



NAFARROAKO PARLAMENTUKO

ALDIZKARI OFIZIALA

VI. legegintzaldia

Iruña, 2006ko ekainaren 5a

54. ZK.

A U R K I B I D E A

A SAILA:

Foru Lege proiektuak:

—Foru Lege proiektua, Nafarroako segurtasun publikoari buruzkoa. Lehendaritza, Justizia eta Barne Batzordeak onetsitako irizpena (3. or.).

E SAILA:

Jabeldurak, mozioak eta adierazpen politikoak:

—Mozioa. Horren bidez, Nafarroako Gobernua premiatzen da elkarrizketa txanda bat izan dezan Nafarroako alderdi politikoekin, terrorismoa elkarrizketa bidez amaitzearen aldeko apustua egin ahal izateko jarrera adostuak bilatze aldera. Izquierda Unida de Navarra-Nafarroako Ezker Batua parlamentu-taldeak aurkeztu du (16. or.).

—Mozioa. Horren bidez, Nafarroako Gobernua premiatzen da gizarteratzeko etxebizitzaren 2006ko programa kudeatzeko hitzarmena sina dezan. Aralar parlamentu-taldeak aurkeztu du (17. or.).

—Mozioa. Horren bidez, Nafarroako Gobernua premiatzen da etxebizitza arloan lehentasunez erosi eta atzera eskuratzeko eskubidea balia dezan beti. Socialistas del Parlamento de Navarra parlamentu-taldeak aurkeztu du (17. or.).

—Mozioa. Horren bidez, Nafarroako Gobernua premiatzen da nahitaez bete beharreko klausula bat sar dezan fundazio, elkarte nahiz erakunde pribatuekin sinatzen dituen akordio edo hitzarmenetan, horien ordezkariak behartuta egon daitezen, kasuan kasuko erakundeek hala eskatzen dutenean, bertaratu eta eskatu zaizkien argibide eta azalpenak ematera. Socialistas del Parlamento de Navarra parlamentu-taldeak aurkeztu du (18. or.).

—Mozioa. Horren bidez, Nafarroako Gobernua premiatzen da konpromiso berezia har dezan ikasle etorkinak edo hezkuntza premia bereziak dituztenak eskolatzen dituzten ikastetxeekin. Socialistas del Parlamento de Navarra parlamentu-taldeak aurkeztu du (19. or.).

F SAILA:

Galderak:

—Galdera, Villafrancako El Castellar ikastetxe publikoan gimnastikako irakasleak dutxatzeko erabiltzen duen gelan eskolan emateari buruzkoa, foru parlamentari Patxi Telletxea Ezkurra jaunak egina (21. or.).

- Galdera, Nafarroako zenbait diputatuk Kataluniako Estatutuari buruzko erreferenduma egitearen aldeko botoa eman izanari buruzkoa, foru parlamentari Patxi Zabaleta Zabaleta jaunak egina (21. or.).
- Galdera, Nafarroako Gobernuak antolatuta Nafarroako aurrekontuen kargura bazkariak egiten diren ekitaldietako pertsonen kontrolik ezari buruzkoa, foru parlamentari José Luis Izco Biarge jaunak egina (22. or.).
- Galdera, Azagrako Haitzean egin beharreko obretarako kasuko ministerioari edo Ebroko Konfederazio Hidrografikoari dirulaguntza eskatu ez izanari buruzkoa, foru parlamentari José Luis Izco Biarge jaunak egina (23. or.).
- Galdera, 2005ean izandako dirusarrera eta gastuen egiazko zenbatekoari eta ekitaldiko azken emaitzari buruzkoa, foru parlamentari Jesús Pardo Gurpegui jaunak egina (23. or.).
- Galdera, jakiteko ea Nafarroako Gobernuak Diputatuen Kongresuari zilegitasuna aitortuko dion Espainiako Gobernuko lehendakariari baimena eman diezaion indarkeria terrorista bukatzeko eta ETA behin betikoz desagertzeko elkarrizketa haste aldera, foru parlamentari Fernando María Puras Gil jaunak egina (24. or.).
- Galdera, elkarrizketa prozesu bat abiarazteko inguruabarrak egokiak ez direla esateko Gobernuko lehendakariak dituen datuei buruzkoa, foru parlamentari Fernando María Puras Gil jaunak egina (24. or.).
- Galdera, mahastien eskubideen prezioari eta mahatsaren ekoizpenaren kontrolari buruzkoa, foru parlamentari Helena Berruezo Valencia andreak egina (25. or.).
- Galdera, Fiteroko aztarnategiari buruzkoa, foru parlamentari Helena Berruezo Valencia andreak egina (26. or.).
- Galdera, Jorge Oteiza Museoa jaso duen bisita kopuruari buruzkoa, foru parlamentari Helena Berruezo Valencia andreak egina (26. or.).
- Galdera, “Xavier-arte” erakusketarako aurrekontuari buruzkoa. Foru Diputazioaren erantzuna (27. or.).
- Galdera, Boliviako San Ignacio de Moxos orkestraren kontzertuko aurrekontuari buruzkoa. Foru Diputazioaren erantzuna (27. or.).
- Galdera, Frantzisko Jatsu eta Azpilkuetaren bosgarren mendeurreneko itxiera ekitaldirako aurrekontuari buruzkoa. Foru Diputazioaren erantzuna (28. or.).
- Galdera, abuztuaren 6rako aurreikusita dagoen misiolarien aldeko omenaldirako aurrekontuaren gastuari buruzkoa. Foru Diputazioaren erantzuna (28. or.).
- Galdera, Argentinako eta Txileko nafarren etxeetako topaketen gastuari buruzkoa. Foru Diputazioaren erantzuna (29. or.).
- Galdera, 2005eko abenduaren 4an misiolariei eginiko omenaldiari buruzkoa. Foru Diputazioaren erantzuna (29. or.).
- Galdera, Xabierko Frantzisko Jatsukoaren Aretoko ikuskizunaren gastuari buruzkoa. Foru Diputazioaren erantzuna (30. or.).
- Galdera, ezgaitasuna duten pertsonak kontratatzeari buruzkoa. Foru Diputazioaren erantzuna (30. or.).
- Galdera, Nafarroa Fitur 2006 turismo azokara joateari buruzkoa. Foru Diputazioaren erantzuna (34. or.).
- Galdera, II. Errepublikaren 75. urteurrena dela-eta Legebiltzarrak onetsitako erabakia betetzeari buruzkoa. Foru Diputazioaren erantzuna (36. or.).

A saila:
FORU LEGE PROIEKTUAK

Foru Lege proiektua, Nafarroako segurtasun publikoari buruzkoa.

LEHENDARITZA, JUSTIZIA ETA BARNE BATZORDEAK ONETSITAKO IRIZPENA

Lehendaritza, Justizia eta Barne Batzordeak Nafarroako segurtasun publikoari buruzko Foru Lege proiektuari buruz onetsitako irizpena Nafarroako Parlamentuko Aldizkari Ofizialean argitara dadin agindu dut, Legebiltzarreko Erregelamenduko 136.6 artikuluan ezarritakoa betez. Proiektu hori 2006ko martxoaren 20ko 22. Legebiltzarreko Aldizkari Ofizialean argitaratu zen.

Irizpenari buruz, Osoko Bilkuran zuzenketa hauek defendatzen ahalko dira:

– 1, 3, 5, 11, 13, 14, 15, 22, 25, 27, 31, 32, 37, 38, 40, 42, 49, 51, 56, 60, 61, 65 eta 66. zuzenketa Aralar parlamentu-taldeak aurkeztuak.

– 2, 7, 9, 12, 23, 26, 43, 44, 48 eta 58. zuzenketa, Askotariko parlamentu-taldeko José Luis Etxegarai Andueza jaunak aurkeztuak.

Zuzenketa 2006ko maiatzaren 4ko 42. Nafarroako Parlamentuko Aldizkari Ofizialean argitaratu ziren.

Iruñean, 2006ko ekainaren 2an

Lehendakaria: Rafael Gurrea Induráin

IRIZPENA

Nafarroako segurtasun publikoari buruzko Foru Lege proiektua

ZIOEN AZALPENA

1.

Espainiako Konstituzioak, Nafarroako foru erarentza berrezarri eta hobeteari buruzko abuztuaren 10eko 13/1982 Lege Organikoak, toki araubidearen oinarriak arautzen dituen apirilaren 2ko 7/1985 Legeak, segurtasun indar eta kidegoei buruzko martxoaren 13ko 2/1986 Lege Organikoak eta Nafarroako polizia kidegoei buruzko Foru Legearen testu bateginak (urriaren 14ko 213/2002 Legegintzako Foru Dekretuaren bidez onetsia) ezarri dute, funtsean, Nafarroako Segurtasun

Publikoari buruzko foru lege honen oinarri izan den eskumen-markoa. Testuinguru horretan, kontuan izanik Nafarroako administrazio publikoen menpeko polizia-kidegoen aniztasuna eta gizartean segurtasunaz dagoen kezka gero eta zabala goa, beharrezkoa da Nafarroako Foru Komunitateak segurtasun publikoaren arloan dituen eskumenak segurtasun sistema koordinatu eta bakarrean antolatuko dituen araua egitea. Sistema horrek gai izan behar du herritarren segurtasuna bermatuko duten politika errealista, praktikoa eta eraginkorak ezarri eta garatzeko, erakundeen leialtasunaren printzipioari hertsiki lotuta eta, horrenbestez, esku hartu behar duten administrazio publiko guztien eskumenak erabat errespetatuz. Arau horrek foru legea izan behar du ezinbestean, haren helburuen lorpena ekarriko duten neurri, betebeharrak eta eskubide guztiak ezarri ahal izan daitezkeen.

2.

Foru lege honen xedea da Nafarroan segurtasun publikoko sistema egokia eratzea, administrazio publiko guztiak partaide izan dituen eta osagarritasunaren, lankidetzaren, koordinazioaren, elkarren informazioaren eta erakundeen leialtasunaren printzipioetan oinarrituko dena. Gainera, herritarrei parte hartzeko aukera emanen die segurtasun kontseiluen bitartez. Foru lege honek, beraz, ardura partekatuzeko eskatzen die Nafarroako Gobernuari eta administrazio nafarrei, bereziki udalei, eta ildo beretik koordinazio eta plangintzarako tresnak ezartzen ditu, besteak beste tokiko segurtasun batzordeak, lankidetzaren hitzarmenak, polizia-informazioen sistema bateratua eta hainbat motatako segurtasun planak. Azken batean, foru lege honen bidez eraginkortasuna areagotu nahi da eskura dauden baliabideak zentzuz eta iraunkortasunez erabiltzeko eta bide horretatik herritarren segurtasunaren inguruan emaitza egokiak lortzeko.

Herritarrei begira, segurtasun publikoaren sistemak, eta bereziki poliziaren jarduerak, herritarrentzako zerbitzu publikoen ereduari jarraitzen dio eta halako zerbitzuen printzipioak ditu oinarri: gizartearen eskariari egokitzea, proportzionaltasuna eta arrazionaltasuna, hurbiltasuna eta erantzun azkarra, polizien ekintza multiformea, eraginkortasuna, erantzunaren planifikazioa eta emaitzen ebaluazioa, eta segurtasunarekin zerikusia duten baliabide eta bitarteko guztien arteko harremanak. Polizia-jardueraren funtsezko printzipio horietatik abiatu behar da gaurko polizia-sistemaren bilakera, gizartearen kontrako portaerei aurre egin edo erantzuteko ekintza hutsetatik metodo modernoagoetara pasatzeko. Erantzuna polizia-jardueraren osagai nagusia izanik ere, metodo berrietan prebentzio jarduera ere lehenesten da, bai eta plangintzan eta azterketan oinarritutako teknika berriak ere, guztiz praktikoa eta metodikoa, behin eta berriz gertatzen diren edo poliziaren esku ez dauden alderdiak dituzten segurtasun arazoei aurre egiteko. Printzipio horiek aplikatu ahala, zalantzarik gabe polizia herritarrei hurbilduko zaie eta azkenik gizartearekin bat egindako polizia lortuko da, herritar eta erakundeen arteko lotura estuagoa sustatzeko gai izanen dena, gizartearen batasun handiagoaren oinarri gisa.

Beste alde batetik, Foru Komunitateko lurralde eremu guztietan segurtasunaren planifikazio orokorra eginez, Segurtasun Plan Orokorretik eta udalerrietako nahiz udalez gairikiko planetatik abiatuta, polizia-erakunde guztien eginkizun bakarra ezartzen da, alegia, herritarren interes orokorren alde lan egitea eraginkortasunez, elkarrekin koordinaturik eta indarra duen legeriak ezartzen duen esparruan. Horrek lan-filosofia bateratua sortuko du, planifikatutako xedek lortzera bideratua.

3.

Foru lege hau dela medio, administrazio publikoek, agintariak, polizia-kidegoek eta segurtasunarekin zerikusia duten gainerako zerbitzu publiko edo pribatuak batera parte hartu ahal izanen dute segurtasun publikoari buruzko politiken diseinuan, aplikazioan eta ebaluazioan. Berrikuntza nagusia, ordea, herritarrek beren segurtasun arazoaren konponketan parte hartu ahal izatea da. Parte-hartze horri esker sistemak berak eta hura osatzen duten polizia-zerbitzuek hobeki ezagutu eta ulertu ahal izanen dituzte delinkuentzia, indarkeria eta, oro har, herritarrek beren ingurune hurbilean segurtasun eza dela-eta jasaten dituzten arazoak.

Espainiako Konstituzioak herritarren segurtasunaren kontzeptua darabil ordena publiko tradizionalaren orde. Aldaketa garrantzitsu horrek eragin

handia du legea betearazi behar duten erakunde- en funtzionamenduan, izan ere ikuspegi horretatik segurtasun publikoak berezko osagaia baitu giza elementua, jendea hain zuzen. Horrela herritarrak leku nagusia hartzen du, alde batetik botere publikoaren arretagune nagusia eta bestetik bere segurtasunaren funtsezko eragilea delako. Ildo horretan, segurtasun publikoaren arloko politikak egiteko edozein prozesuk sustatu eta erraztu egin behar du herritarrek ere politika horiek formulatzeko ardura har dezaten, segurtasun zerbitzuen eta herritarren edo horien elkarrekin arteko lankidetzan sakondu behar du eta, oro har, segurtasun publikoaren arloko administrazioari bidea eman behar dio herritarrengana gehiago hurbiltzeko. Esparru horretan kokatu behar dugu foru lege hau, beraren bidez segurtasun kontseiluak eratuko baitira Foru Komunitatean. Egunero gizartearen bizikidetzak gartzeko prest agertzen diren sektore zabalenei lekua eskaini nahi zaie kontseilu horietan eta segurtasun politikaren diseinu berria lortu nahi da, orain arte nagusi izan den eskema itxia gaindituta, segurtasuna ez baita poliziaren eta erakunde espezializatuen kontua bakarrik.

4.

Foru legeak honako egitura du: sei kapitulutan bildutako hogeita bederatzi artikulua, xedapen gehigarri bat, xedapen indargabetzaile bat eta azken bi xedapen.

I. kapituluan foru legearen xedea eta helburuak definitzen dituzten xedapen orokorrak daude. Segurtasun publikoko sistemaren printzipio nagusiak azaltzen dira eta segurtasunaren arloan eskumenak dituzten administrazio publikoaren arteko harremanak arautzen dituztenak zehazten dira, bai eta Nafarroako administrazio publikoaren menpeko polizia-kidegoen jardueraren oinarri izanen diren printzipioak ere; eta, azkenik, herritarrekiko harremanei buruzko printzipioak jasotzen dira.

II. kapitulua segurtasun publikoko sistemaren antolaketaren gainekoa da. Arlo horren antolamendu administratiboa biltzen du, berariazko eginkizunak esleitzen dizkie administrazio autonomikoari eta toki administrazioari, eta segurtasun publikoaren eremuko parte-hartze eta koordinazio organoak arautzen ditu, hala nola Herritarren Segurtasunerako Kontseilua, toki kontseiluak, Segurtasun Publikorako Departamentu arteko Batzordea eta segurtasunerako toki batzordeak.

III. kapituluak udaltzaingoaren koordinazioaz dihardu, Nafarroako Gobernuari eginkizunak esleitzen dizkio eta Nafarroako Udaltzaingoak Koordinatzeko Batzordea arautzen du.

IV. kapituluak segurtasunaren planifikazioaz dihardu eta plan motak, planen gutxieneko edukia eta haien onespena arautzen ditu.

V. kapituluak administrazio publikoen arteko harremanei buruz dihardu eta horiek sustatzeko tresnak ezartzen ditu, hala nola, informazio estatistikoak, polizia-informazioen sistema bateratua edo Nafarroako Gobernuarekiko lankidetzaren hitzarmenak. Gainera, Foruzaingoaren eta udaltzaingoen arteko eginkizun-mugaketa arautzen du eta polizia-kidego bakoitzari dagozkion eginkizunak finkatzen, baita baterako eginkizunak ere.

VI. kapituluak herritarrekiko harremanei buruz dihardu, herritarrei beren ordezkari organoen bidez segurtasun publikoaren arloko lanetan parte hartzeko eskubidea onartzen die, bai eta kexa eta eskaerak egiteko eskubidea ere, eta, azkenik, Nafarroako administrazio publikoei beren segurtasun zerbitzu publikoen karta bana egiteko agintzen die.

Foru legearen azken zatiko xedapen gehigarriari adierazten da Nafarroako Foru Komunitateko Administrazioari zein agintari duden eskumena segurtasun arloko zehapenak ezartzeko, Herritarren Segurtasunaren Babesari buruzko Lege Organikoan eta Segurtasun Pribatuari buruzko Legean xedatutakoaren arabera.

I. KAPITULUA

Xedapen orokorrak

1. artikulua. Xedea eta helburuak.

1. Foru lege honen xedea da Nafarroako Foru Komunitateak segurtasun publikoko gaitan dituen eskumenak, batez ere polizia arlokoak, segurtasun sistema orokor batean antolatzea. Sistema horrek partaide izanen ditu administrazio publiko guztiak, bai eta segurtasunaren arloan erantzukizuna duten koordinazio organoak eta herritarrek parte hartzekoak, eta beraren bidez herritarren segurtasuna bermatzeko politika errealista, praktikoa eta eraginkorra ezarri eta garatuko dira.

2. Zehazki, hona hemen foru lege honen helburuak:

a) Herritarren eskubide eta askatasunak, bake publikoa, bizikidetzaren egokia eta batasun soziala eraginkortasunez bermatuko dituzten prebentzio eta babes politika publikoen ezarpena eta garapena sustatzea.

b) Segurtasun publikoarekin zerikusia duten administrazio, agintari eta zerbitzuen arteko lankidetzaren eta koordinazioaren sakontzea.

c) Herritarrei Nafarroako Foru Komunitate osoan segurtasun zerbitzu homogeneoak izateko eskubidea bermatzea.

d) Segurtasun kontuetan administrazio eta agintaritzaren publikoek ardurak partekatu ditzaten eta, halaber, herritarrek segurtasun arloko politiken sorreran eta jarraipenean parte har dezaten sustatu eta erraztea.

e) Bide ematea segurtasun publikoaren arloko administrazioa herritarrei gehiago hurbiltzeko eta haren funtzionamendua bizkortzeko.

f) Herritarren konfiantza lortzea, hau da, herritarrei erakustea polizia eta botere publikoak lanean ari direla eta eraginkortasunez arduratzen direla segurtasunaren inguruko egiazko arazoez.

2. artikulua. Segurtasun publikoko sistema.

Nafarroako segurtasun publikoko sisteman honakoak biltzen dira: Foru Komunitatean segurtasun gaitan eskumena duten erakunde eta agintariak, polizia-kidegoak eta segurtasunaren arloko gainerako zerbitzu publikoak, eta segurtasunaren arloko koordinazio eta parte-hartze organoak.

Halaber, Nafarroako segurtasun publikoaren sistemako partaide dira segurtasun-zerbitzu pribatuak, foru lege honetan eta haiek arautzen dituen araudian xedaturiko moduan.

3. artikulua. Oinarrizko printzipioak.

1. Foru lege honetan ezarritako segurtasun publikoko sistema gauzatzeko, segurtasunaren eremuan ari diren administrazio publiko eskudunek beren jardunean printzipio hauek beteko dituzte: erakundearen leialtasuna, osagarritasuna, elkarrekin informazioa, lankidetzaren koordinazioa eta laguntza.

2. Segurtasun publikoko sistemak, eta bereziki Nafarroako administrazio publikoaren menpeko polizia-kidegoen jarduerak, ondoko printzipio hauek izanen ditu oinarri:

a) Arrisku eta mehatxuei aurrea hartzea.

b) Gizartearen eskariaren arabera jardutea.

c) Gizartearen aurkako egintzen kontrolaren proportzionaltasuna eta arrazionaltasuna.

d) Presentzia orokorra eta iraunkorra lurralde guztian, herritarrekiko hurbiltasuna eta laster erantzutea.

e) Kideen jarduketak askotarikoak izatea, espezializazioa ukatu gabe.

f) Eraginkortasuna ekintzan eta bitartekoen nahiz baliabideen esleipenean.

g) Arazoak zehaztea, erantzuna planifikatzea eta emaitzak ebaluatzea.

h) Segurtasunarekin zerikusirik izan eta bazterkeriaren aurkako borrokan eginkizunen bat duten erakunde, zerbitzu eta antolakunde publiko zein pribatuekin harremanak izatea.

3. Gizartearen aurkako egintzarik eza da segurtasun sistema eraginkorraren froga, eta ez poliziak halako egintzen aurka ari direla ikustea.

4. Herritarrekiko harremanetan, segurtasun publikoko sistema integralak partaidetzaren, garrantasunaren eta informazioaren printzipioak ditu oinarri.

4. artikulua. Definizioak.

Foru lege honek agintzen duenerako, honako definizioak hartuko dira aintzat:

a) Gizartearen aurkako egintzak dira portaerari buruzko arau aldarrikatu edo onartuen aurkako portaerak, berez edo beren emaitzen ondorioz kalte egiten diotenak gizarte harremanetan behar den harmoniari.

b) Prebentzioa da gizartearen aurkako egintza-
ren kausak deuseztatzea, edo, deuseztatzerik ez badago, balizko egilearen asmoa aldaraztea, ekin-
tzari uko egin diezaion.

II. KAPITULUA

Segurtasun sistemaren antolaketa

5. artikulua. Nafarroako Gobernua.

1. Konstituzioak, Nafarroako foru eraentza berrezarri eta hobetzeari buruzko Lege Organikoak eta indarra duen legeriak ezarritako eskumen-
esparruan, Nafarroako Gobernuari dagokio esku-
bide eta askatasunen erabilera librea babestea eta
herritarren segurtasuna bermatzea Foru Komuni-
tatean, deusetan galarazi gabe Estatuko agintari
eta segurtasun indar eta kidegoen eskumeneko
eginkizunak eta beste botere publiko batzuen
ahalmen eta betebeharrak.

2. Aurreko idatz-zatian adierazitakoaren arabe-
ra, Nafarroako Gobernuari dagokio:

a) Segurtasun publikoaren arloko helburu oro-
korrak eta funtsezko gidalerroak finkatzea.

b) Nafarroako Segurtasun Plan Orokorra ones-
tea.

c) Zehapenak ezartzeko ahalmena erabiltzea
foru lege honetan ezarritako eran.

d) Foru lege honek eta indarra duten gainerako
legeek ematen dizkioten beste eginkizun guztiak
betetzea.

6. artikulua. Segurtasun publikoaren arloan
eskumena duen departamentua.

Segurtasun publikoaren arloko eskumena
ematen zaion departamentua, Nafarroako Gober-
nuak ezarritako helburu orokorren arabera, Foru
Komunitateko herritarren babesari eta segurtasu-
nari buruzko politika gauzatzeko ardura duen orga-
noa da, eta berari dagozkio, ildo horretan, Foru-
zaingoaren goi zuzendaritza, udaltzaingoen
koordinazioa eta foru lege honetan eta indarra
duen antolamenduko gainerako arauetan ezartzen
zaizkion beste eginkizun guztiak.

7. artikulua. Segurtasun publikoaren arloko
agintari publikoak.

1. Foru lege honen ondorioetarako honakoak
dira segurtasun publikoaren arloko goi agintari
publikoak:

a) Arlo horretako eskumena ematen zaion
departamentuko kontseilari titularra.

b) Alkateak, beren eskumenen esparruan eta
udal eremuan.

2. Segurtasun publikoaren arloan eskumena
duen kontseilariak eginkizun hauek izanen ditu:

a) Nafarroako Gobernuako segurtasun politika
beteaztea.

b) Nafarroako Foruzaingoaren goi zuzendaria
izatea.

c) Herritarren segurtasuna zaindu eta berrezar-
tzeko behar diren jarduketak egin daitezela agin-
tzea.

d) Nafarroako udaltzaingoen koordinazioa sus-
tatzea.

e) Prestakuntzarako eta espezializaziorako
politikak sustatu eta koordinatzea.

f) Nafarroako Herritarren Segurtasunerako
Kontseiluko buru izatea.

g) Nafarroako Segurtasun Plan Orokorra Nafa-
rroako Gobernuari aurkeztea, onetsi dezan.

h) Foru lege honen helburuak lortzeko behar
diren ekintzak sustatu eta koordinatzea, Nafarroa-
ko Foru Komunitateko Administrazioaren esparru-
an.

i) Nafarroako segurtasun publikoaren gaineko
urteko txostenak Nafarroako Gobernuari aurkez-
tea, onetsi ditzan.

j) Zehapenak ezartzeko ahalmena erabiltzea,
foru lege honetan eta indarra duten gainerako
legeetan agintzen zaion moduan.

k) Segurtasun publikoaren arloan indarra duten xedapenek ezartzen dioten beste edozein eginkizun.

3. Alkateek ondoko eginkizunak izanen dituzte, ezertan galarazi gabe toki legeriak esleitzen dizkien gainerako eginkizunak:

a) Segurtasun gaietan Udalaren jarduketak antolatu eta zuzentzea, indarra duen antolamenduari jarraituz.

b) Tokiko Segurtasun Batzordeko buru izatea eta haren erabakiak bete daitezen begiratzea.

c) Udaltzaingoaren edo, hala tokatzen denean, albienteen goi agintaria izatea, segurtasunarekin zerikusia duten jarduketetan.

d) Foru lege honen helburuak betetzeko behar diren ekintzak sustatu eta koordinatzea udal eremuan.

e) Tokiko segurtasun plana onestea eta osoko bilkuran Udalari haren berri ematea.

f) Udalari tokiko segurtasun planaren aplikazioaren eta gorabeheren berri ematea urtero, osoko bilkuran.

g) Zehatzeko ahalmena erabiltzea, indarra duen legeriak agintzen dien moduan.

h) Foru lege honek eta segurtasun publikoaren arloan indarra duten gainerako legeek ematen dizkieten gainerako eginkizunak.

8. artikulua. Nafarroako polizia-kidegoak.

1. Nafarroako Foruzaingoa eta udaltzaingoak dira Nafarroako administrazio publikoetako polizia-kidegoak.

2. Foruzaingoak Nafarroako Foru Komunitatea izanen du jarduteko eremua.

3. Udaltzaingo bakoitzak bere udalerrria izanen du jarduteko eremua, premiazko egoera berezietan izan ezik, halakoetan udal mugapetik kanpo jardun ahal izanen baitute, toki entitateek horretarako sinatutako lankidetzak hitzarmen edo koordinazio planetan ezarritako baldintzak betez. Segurtasun publikoaren arloan eskumena duen departamentuak oniritzia eman beharko du aurretiaz. Alabaina, larrialdietan nahikoa izanen da laguntza behar duen lurraldeko agintari eskudunak aurretiaz laguntza eskatzea.

Halaber, toki korporazioetako agintariak babesteko eginkizunak betetzen ari direnean, udal mugapetik kanpo jardun ahal izanen dute, segurtasun publikoaren arloan eskumena duen departamentuaren baimenarekin, jarduketa horiek oso-

osorik Nafarroako Foru Komunitatearen barnean egiten dituztenean.

3. bis idatz-zati berria. Foru erkidegoko berezko erakundeetako polizia-kidegoen arteko harremanak arautzen dira segurtasun-sistema orokorra antolatzen duten printzipioei loturik, eta bereziki, osagarritasuna, koordinazioa, laguntza, lankidetzak eta elkarri laguntzea, batez ere tokiko segurtasun batzordeen baitan. Segurtasun publikoaren arloko eskumenen titular den departamentuaren eta udalaren artean sinaturiko hitzarmenek udalerrri bakoitzeko baldintzetara egokitu eta zehaztu behar dituzte printzipio horiek.

3. ter idatz-zati berria. Gobernuak, batez ere segurtasun publikoaren arloko eskumenen titular den departamentuaren bitartez, bai eta udalek ere, beren baterako organoen baitan sustatu behar dituzte beren segurtasun-zerbitzuen plangintza operatiboa eta baliabideen esleipen efizientea eta baterako aprobetxamendua, polizia-informazioko sistemen integrazioa eta antolaketa eta operazio estandarren homogeneizazioa.

9. artikulua. Herritarren Segurtasunerako Kontseilua.

1. Nafarroako Foru Komunitateko Herritarren Segurtasunerako Kontseilua sortu da.

2. Herritarren Segurtasunerako Kontseilua segurtasun gaietan kontsultak egiteko eta parte hartzeko organoa da Nafarroako Foru Komunitatean.

3. Kontseiluak eginkizun hauek izanen ditu:

a) Administrazio publikoek aholku ematea, une eta toki bakoitzean segurtasun publikorako politika egokia diseinatu behar duten erakunde espezializatuei gomendioak emanez eta gizartearen barneko gertaera kolektiboek bereziki kontu eginez.

b) Nafarroako segurtasun publikoaren egoera orokorra aztertu, ikertu eta ebaluatzea, herritarren segurtasunaren inguruko erreferente adierazgarrienak oinarri harturik, portaeren azterketak eta egoeren analisiak sustatuz, segurtasun indar eta kidegoetako kideen lanak euskarria izan dezan inguruabar zehatz eta baloragarrietan.

c) Herritarren lasaitasuna eragozten ahal duten eragileak zaintzea, hala nola xenofobia, arrazakeria, kaleko indarkeria, taldeen indarkeria edo antzeko gertaerak, herritarren edo gizarteko balio funtsezkoen kalterako izan daitezkeen gatazka eta arriskuei aurrea hartzeko.

d) Nafarroako segurtasun egoera hobetzeko neurri orokorrak sustatzea eta segurtasun publiko-

arekin zerikusia duten administrazio publiko guztien zerbitzuak hobetzeko ekimenak bultzatzea.

e) Foru Komunitateko segurtasun publikoa dela eta Nafarroako Gobernuak onesten duen urteko txostena ikustea.

f) Indarra duten arauetan ezartzen zaizkion gainerako eginkizunak.

4. Herritarren Segurtasunerako Kontseilua segurtasun publikoaren arloko eskumena duen departamentuari atxikiko zaio. Departamentu horrek behar adinako laguntza teknikoa eman beharko dio bere eginkizunak egoki bete ditzan.

5. Kontseilua menpean duen departamentuak berariaz kontusail bat sortuko dio bere funtzionamenduari eusteko eta bere eginkizunetan bidezko diren jarduketak egiteko.

6. Herritarren Segurtasunerako Kontseiluaren osaera, antolaketa eta funtzionamendua erregelamenduz zehaztuko dira, foru dekretu bidez. Betiere, zein departamenturi dagoen atxikita hango kontseilari titularra izanen du buru, eta honakoak kide izanen ditu:

a) Nafarroako Foru Komunitateko Administrazioaren ordezkariak.

b) Nafarroako toki entitateen ordezkariak.

c) Gizarteko interesak ordezkatzen dituzten herritar erakunde edo entitateen ordezkariak.

Halaber, Estatuko Administrazioaren, epaileen eta fiskalen ordezkariak kontseilukide izaten ahaliko dira, haien erakundeek hala erabakitzen badute.

7. Nafarroako Segurtasun Kontseiluko buruak proposatu eta Kontseiluak hala erabakiz gero, herritarren segurtasunerako eskualde kontseiluak eratu ahal izanen dira. Horiek Kontseiluaren menpekoak izanen dira, eta udalerrria baino eremu zabalagoa izanen dute.

10. artikulua. Herritarren segurtasunerako toki kontseiluak.

1. Udaltzaingoa duten udalerrietako alkateek herritarren segurtasunerako toki kontseiluen sorrera sustatu ahal izanen dute beren eskumenen esparruan.

2. Herritarren segurtasunerako toki kontseiluek alkatea edo berak eskuordetutako pertsona izanen dute buru, eta horrek hurrengoan artetik aukerako ditu kontseiluko kideak:

a) Herritarren segurtasunarekin zerikusia duten udal zerbitzuak.

b) Udalerriko bizilagun eta herritarren elkarteak, edota entitateen, erakundeen edo elkarteen bestelako edozein ordezkariak.

c) (KENDUTA).

d) (KENDUTA).

3. Herritarren segurtasunerako toki kontseiluek beren udalerrietan segurtasun egoera hobetzeko neurriak aztertuko dituzte eta organo eskudunei proposatuko dizkiete.

4. Herritarren segurtasunerako toki kontseiluek berek egingen dituzte beren funtzionamendurako arauak.

11. artikulua. Segurtasun Publikorako Departamentu arteko Batzordea.

1. Segurtasun Publikorako Departamentu arteko Batzordea sortu da. Segurtasun publikoari lotutako gaietan (barne gaiak, justizia, garraioa, errepideak, trafikoa eta bide-segurtasuna, ikuskizun publikoak, gizarte zerbitzuak, adingabeen babesa, genero-indarkeria, hezkuntza, osasuna, ingurumena, ekonomia eta ogasuna, toki administrazioa eta abar) eskumena duten departamentuetako zuzendari nagusiek osatzen dute.

2. Batzordeburua eta idazkaria segurtasun publikoaren arloko eskumena duen departamentuak izanen dira. Batzordeburuak beste zuzendari nagusi batzuei edo zerbitzu-zuzendari deitu ahal izanen die Batzordeak esku artean dituen gaiek hala eskatzen dutenean.

3. Batzordeak eginkizun hauek izanen ditu:

a) Nafarroako Foru Komunitateko Administrazio-oko departamentuen jarduketak koordinatuko direla bermatzea, segurtasun publikoan eraginik badute.

b) Departamentu guztietan plangintza sustatu eta bultzatzea, segurtasun publikoari buruzko politika orokorra departamentuetako jarduketa sektorialetara eramateko.

c) Nafarroako Segurtasun Publikorako Plan Orokorra nola eta zenbateraino betetzen den zainitzea.

4. Batzordeak bilera egin beharko du Nafarroako Segurtasun Publikorako Plan Orokorra ezagutzeko. Gainera, Batzordeburuak bilera deia egingen du sei hilean behin, gutxienez.

5. Segurtasun Publikorako Departamentu arteko Batzordearen funtzionamendua, gainerako guztian, Nafarroako Foru Komunitateko Administrazioari buruzko abenduaren 3ko 15/2004 Foru

Legearen III. tituluko III. kapituluaren kide anitzeko organoentzat ezarritakoari lotuko zaio.

12. artikulua. Nafarroako Segurtasun Batzordea.

Nafarroako Segurtasun Batzordea Foruzaingoaren eta Estatuko Segurtasun Indar eta Kidegoen arteko koordinaziorako organo gorena da, Nafarroako foru eraentza berrezarri eta hobetzeari buruzko abuztuaren 10eko 13/1982 Lege Organikoaren 51. artikuluko 2. idatz-zatian ezarritakoarekin bat.

13. artikulua. Tokiko segurtasun batzordeak.

1. Udaltzaingoa duten udalerrietan Tokiko Segurtasun Batzordea eratu beharko da.

2. Batzorde hori lankidetzak eta koordinaziorako organoa izanen da udalerrian diharduten polizia-kidegoentzat.

3. Tokiko Segurtasun Batzordeko burua udalerriko alkatea izanen da eta batzordekideak ondoak izanen dira:

a) Herritarren segurtasunaren arloko zinegotzi eskuordea.

b) Udaltzainburua.

c) Foruzainburua edo berak eskuordetzen duen foruzain aginteduna.

d) Guardia Zibileko eta Polizia Kidego Nazionalen buruak edo beraiek eskuordetzen dituztenak, Estatuko Administrazioak hala erabakitzen badu.

4. Batzordeburuak eta batzordekideak nahi dituzten teknikariak eramaten ahal dituzte Tokiko Segurtasun Batzordearen bileretara. Teknikari horiek hizpidea izanen dute, baina ez boto eskubiderik.

5. Aztertu beharreko gaien arabera, Tokiko Segurtasun Batzordearen bileretara joan ahal izanen dira, hizpidearekin baina boto eskubiderik gabe, entitate, erakunde eta elkarten ordezkariak, bai eta herritarren segurtasunarekin zerikusia duten zerbitzuen arduradunak ere, batzordeburuak deituz gero.

6. Tokiko Segurtasun Batzordeek eginkizun hauek izanen dituzte:

a) Udalerriko segurtasun publikoaren egoera aztertu eta baloratzea, eta beharrak nahiz eskura dauden baliabideak ebaluatzea.

b) Tokiko segurtasun plana prestatzen parte hartzea, haren burutzapena zaintzea eta haren jarraipena eta ebaluazioa egitea.

c) Udalerrian diharduten segurtasun kidego eta zerbitzuen arteko lankidetzak, koordinazio eta laguntzarako bideak eta prozedurak ezartzea.

d) Udalerrian diharduten segurtasun pribatuko zerbitzuak ezagutzea. Horretarako, zerbitzu horien arduradunei Batzordearen aurrera agertzeko eskatu ahal izanen zaie.

e) Indarra duen antolamenduan ezartzen zaizkion gainerako eginkizunak.

7. Tokiko Segurtasun Batzordeak udalerrian diharduten polizia kidegoen lanak koordinatzeko mahaia izendatu ahal izanen du, eta hura osatuko duten poliziaburuak izendatu, honako eginkizunak bete ditzan:

a) Batzordeak hartzen dituen erabakiak beteaz.

b) Udalerrian diharduten segurtasun kidego eta zerbitzuen arteko informazio trukea bermatu.

c) Udalerriko segurtasun kidego eta zerbitzuen lanen arteko koordinazio eraginkorra ziurtatu.

d) Segurtasun kidego eta zerbitzuen arteko lankidetzak, koordinazioa eta laguntza hobetzeko proposamenak prestatu eta Batzordeari aurkeztu, udalerrian haien eraginkortasuna areagotze aldera.

8. Betiere segurtasun indar eta kidegoek beren agintari organikoaren aginduetara jardun beharko dute.

III. KAPITULUA Udaltzaingoa koordinatzea

14. artikulua. Koordinazioa.

Kapitulu honen ondorioetarako, koordinazioaren definizio hau hartu beharko da kontuan: sistema egokiak zehaztea jarduteko irizpideak harmonizatu ahal izateko, elkarri informazioa emateko, langileen eta baliabide materialen hornidura homogeneoa izateko eta administrazio eskudunen arteko harremanetarako mekanismoak sortzeko, udaltzaingoen segurtasun publikoaren sistema osoan burutu beharreko ekintzen integrazioa lortze aldera.

15. artikulua. Eginkizunak.

1. Udaltzaingoen koordinazio gaietan Nafarroako Gobernuari dagozkion eginkizunak segurtasun publikoaren arloko eskumenak dituen departamentuak beteko ditu.

2. Udaltzaingoen koordinazioak honako eginkizun hauek bilduko ditu:

a) Udaltzaingoan antolamenduari eta funtzionamenduari buruzko erregelamenduek bete beharreko oinarritzko arauak ezartzea.

b) Udaltzaingoan baliabide teknikoak, uniformeak, defentsarako bitartekoak, ordainsariak eta kreditazio sistema bateratu daitezzen sustatzea.

c) Udaltzaingoetan sartzeko hautapenari eta oinarritzko prestakuntzari buruzko irizpideak finkatzea eta horretarako behar diren baliabideak ezartzea.

d) Udaltzainen lanbide prestakuntzaren hobekuntza sustatzea, behar diren baliabideak ezarri (hala nola, prestakuntza, hobekuntza, espezializazio eta sustapen ikastaroak) Nafarroako Segurtasun Eskolaren bidez.

e) Datu-igorpen eta datu-base informatizatuen sistema orokorra sustatzea.

f) Toki entitateen artean izan litekeen lankidetzaren antolatzea, unean uneko edo aparteko betebeharrak asetzeko.

g) Babes zibilaren arloko jarduketak koordinatzea.

h) Baterako jarduketak egitea bide segurtasuna hobetzeko.

i) Udaltzaingoan eraginkortasuna hobetzeko behar diren azterlan eta neurriak sustatzea.

j) Toki entitateei segurtasun publikoaren gainean aholku ematea.

k) Indarra duen legerian ezartzen den beste edozein.

3. Aurreko idatz-zatian zehaztutako eginkizunak betetzerakoan beti errespetatuko dira udalen autonomia eta udaltzaingoaren gain dituzten eskumenak.

4. Nolanahi ere, Nafarroako Gobernuari dagokio, segurtasun publikoaren arloan eskumena duen kontseilariaren proposamenari jarraituz, 2. idatz-zatiko a) eta b) letretan zehaztutako eginkizunei buruzko arau orokorrak ematea, Udaltzaingoak Koordinatzeko Batzordeak txostena egin ondoren; txosten horrek aldekoa izan beharko du, proposamenaren xedea ordainsari osagarriak berdintzea denean.

16. artikulua. Nafarroako Udaltzaingoak Koordinatzeko Batzordea.

1. Nafarroako Udaltzaingoak Koordinatzeko Batzordea ezarri da, segurtasun publikoaren arloan eskumena duen departamentuko erakunde aholku-emate gisa, udaltzaingoaren koordinazioa dela eta dagozkion eginkizunak bete ditzan.

2. Batzorde hori arestian aipatu departamentuari atxikia egonen da. Batzordeko kideak honakoak izanen dira:

a) Batzordeburua: segurtasun publikoaren arloko eskumena duen departamentuko kontseilari titularra.

b) Batzordeburuordea: barne gaietan eskumena duen zuzendari nagusia.

c) Batzordekideak: toki entitateen hamar ordezkari eta segurtasun publikoaren arloan eskumena duen departamentuaren hiru ordezkari.

d) Idazkaria: batzordea atxikita duen departamentuko funtzionario bat, hizpidearekin baina boto eskubiderik gabe.

3. Toki entitateak ordezkatzeko dituzten batzordekideak segurtasun publikoaren arloan eskumena duen kontseilariak izendatuko ditu udaltzaingoa duten udalerrietako ordezkarien artean, Nafarroako Udal eta Kontzejuen Federazioak proposaturik.

Segurtasun publikoaren arloko departamentu eskuduna ordezkatzeko duten batzordekideak eta idazkaria departamentu horretako kontseilari titularak izendatuko ditu.

4. Bileretara joan ahal izanen dira, hizpidearekin baina boto eskubiderik gabe, beste administrazio publiko batzuen ordezkariak, bai eta aztertu beharreko gaietan adituak diren teknikari edo aholkulariak ere, batzordeburuak eskaturik dei egiten zaienean.

5. Batzordeak berak eginen ditu bere antolamenduari eta funtzionamenduari buruzko arauak. Betiere bilera arruntak edo bereziak egin beharko ditu. Bilera arruntak urtean behin egiten dira, eta bilera bereziak batzordeko kideen heren batek eskatu edo batzordeburuak agintzen duenean.

6. Batzordeak eginkizun hauek izanen ditu:

a) Udaltzaingoak ukitzen dituzten xedapen orokorren proiektuei buruz derrigorrezko txostenak egitea.

b) Administrazio publikoetako organo eskudunei egokitzat jotzen dituen neurriak proposatzea udaltzaingoaren zerbitzuak hobetzeko eta haien baliabide teknikoak bateratzeko.

c) Batzordeburuak proposatzen dituen gaien buruzko txostenak egitea dituen eskumenen esparruan.

d) Indarra duten xedapenek haren gain uzten dituzten gainerako eginkizunak.

IV. KAPITULUA Segurtasun arloko plangintza

17. artikulua. Segurtasun planak.

1. Segurtasun publikorako planak antolamendu tresnak dira, beraien bidez zehazten baita segurtasun kidego eta zerbitzuek nola jokatu behar duten, segurtasun publikoa, herritarren eskubide eta askatasunen erabilera baketsua eta pertsona nahiz ondasunen babesa ukitzen dituzten egoerei aurrea hartzeko edo erantzuteko orduan.

2. Segurtasun planak orokorrak edo bereziak izan daitezke, hau da, segurtasun egoera orokorrari edo segurtasun kontu zehatzei buruzkoak, eta udalerrri baterako, udalerrri batzuetarako edo Nafarroako Foru Komunitate osorako egin daitezke.

18. artikulua. Nafarroako Segurtasun Plan Orokorra.

1. Nafarroako Segurtasun Plan Orokorrean Nafarroako Foru Komunitateko bizikidetzak bake-tsua eta pertsona nahiz ondasunen segurtasuna ukitzen dituzten arrisku, jarduketa eta baliabideen aurreikuspen orokorrak biltzen dira, segurtasun pribatukoak barne.

2. Nafarroako Segurtasun Plan Orokorra prestatzea segurtasun publikoaren arloko eskumena duen departamentuaren eginkizuna da. Plana egiterakoan kontuan hartu behar dira Nafarroako Herritarren Segurtasunerako Kontseiluaren gomendioak.

3. Nafarroako Gobernuari dagokio, segurtasun publikoaren arloan eskumena duen departamentuko kontseilari titularren proposamenari jarraituz, Nafarroako Segurtasun Plan Orokorra onestea, Segurtasunerako Departamentu arteko Batzordeari eta Nafarroako Herritarren Segurtasunerako Kontseiluari erakutsi ondoren.

4. Nafarroako Segurtasun Plan Orokorrek toki-ko eta udalez gaindiko segurtasun planak egiteko gidalerroak eta irizpide teknikoak ezarriko ditu, horien arteko koordinazioa eta integrazioa lortzeko, toki autonomia errespetatuz betiere.

19. artikulua. Planak onestea.

1. Segurtasun publikoaren arloan eskumena duen departamentuko kontseilariari dagokio udalez gaindiko segurtasun planak onestea. Onespeneraren berri eman beharko die planak eragiten dien tokiko segurtasun batzorde eta koordinazio nahiz parte-hartze organoei.

2. Alkateei dagokie tokiko segurtasun plana onestea beren udalerrietan. Gainera, plan bereziak

onetsi ahal izanen dituzte, udalerriko segurtasun egoeraren arabera.

Alkateek onetsitako segurtasun planak segurtasun publikoaren arloan eskumena duen departamentuko kontseilariari igorri beharko zaizkio jakinaren gainean egon dadin, eta haien eraginpeko koordinazio eta parte-hartze organoei jakinarazi.

20. artikulua. Planen edukia.

1. Segurtasun planak egiterakoan aintzat hartu beharko dira goi mailako organoek segurtasun publikoaren arloan ezarritako politiken helburuak eta Nafarroako Segurtasun Plan Orokorrean ezarritako gidalerro teknikoak, bai eta parte hartzeko organoen gomendioak ere.

2. Segurtasun planek kontuan hartu beharko dituzte, bakoitzak bere eremuan, babes zibileko eta bide segurtasunerako planetan eta eragiten ahal dieten gainerakoetan dauden aurreikuspenak.

3. Segurtasun planen edukiak egitura homogeneoa izanen du. Gutxienez ondoko gai hauei buruzko argibide eta aurreikuspenak bildu beharko ditu:

a) Planaren eremuko segurtasun egoeraren azterketa.

b) Helburu orokorren eta lehentasunen definitioa.

c) Helburuak lortzeko erabili ahal izanen diren bitarteko eta baliabideak, segurtasun pribatukoak barne.

d) Burutu behar diren ekintzak; prebentzioa helburu nagusi duten ekintzak eta gertaerei aurre egin edo erantzuteko jarduketak bereizi beharko dira.

e) Ekintza horien lehentasun ordena, aplikazioaren egutegia, jarraipen eta ebaluaziorako metodo egokiak eta indarraldia.

V. KAPITULUA

Administrazio publikoen arteko harremanak

21. artikulua. Printzipioak.

Segurtasunaren arloko eskumenak dituzten administrazio publikoek ondoko printzipioei eutsi behar diete elkarren arteko harremanetan:

a) Erakundeen leialtasuna, eta gainerako administrazioei dagozkien eskumenak erabat errespetatzea.

b) Elkarri informazioa ematea.

c) Osagarritasuna, lankidetzak, koordinazioa eta laguntza, jarduketak eta zerbitzuak egitean.

22. artikulua. Informazio estatistikoa.

1. Nafarroako Gobernuak, Nafarroako Estatistika Sistemaren bidez eta indarra duen araudiarekin bat, estatistikako jarduera sustatu behar du, Nafarroako segurtasun publikoaren egiazko egoera ezagutu eta aztertzeke informazio nahikoa eta koherentea izateko, beste administrazio publiko batzuetako informazio estatistikoekin erkatu ahal izateko eta herritarren segurtasunarekin zerikusia duten Administrazio Publikoko eremuetan erabakiak hartzerakoan informazio hori erabili ahal izateko.

2. Segurtasun publikoaren arloko eskumena duen departamentuak urtero txostena eginen du Nafarroako Foru Komunitateko barne-segurtasunari buruz, Nafarroako Estatistika Planak arautzen dituen estatistika-jardueretan oinarritua. Txosten hori agintari eta organo interesatuei eman beharko zaie; bereziki, Nafarroako Foru Komunitateko Segurtasun Batzordeari, Nafarroako Udaltzaingoa Koordinatzeko Batzordeari, Segurtasunerako Departamentu arteko Batzordeari, tokiko segurtasun batzordeei eta herritarren segurtasunerako kontseiluei.

23. artikulua. Polizia-informazioak.

1. Polizia Datuen Tratamendurako Zentroa sortu da, polizia-zerbitzuen eginkizunak betetzeko behar diren informazioak bildu, gorde, landu, sailkatu eta kontserbatzeko.

2. Polizia Datuen Tratamendurako Zentroa segurtasun publikoaren arloko gaitetan eskumena duen departamentuaren menpekota izanen da eta haren egitura eta funtzionamendua bat etorriko dira datu pertsonalen babesari buruzko Lege Organikoan eta indarra duten gainerako legeetan xedatutakoarekin.

3. Segurtasun publikoaren arloko eskumenak dituen departamentuak polizia-informazioen sistema bateratua kudeatu eta mantendu beharko du. Udaltzaingo bakoitzak sistema horrekin bat egiteko eta hartan parte hartzeko baldintzak alde biko atxikipen hitzarmenean arautu beharko dituzte arestian aipatu departamentuak eta kasuan kasuko udalak, kontuan izanik datuak eskuratu, kontsultatu eta trukatzeko protokoloak eta departamentuko titularrak ezartzen duen aplikazio informatikoaren erabilera.

4. Segurtasun publikoaren arloko eskumenak dituen departamentuak poliziaren intereseko informazioaren trukea sustatu beharko du, bai Foruzaingoaren eta bestelako segurtasun indar eta kidegoen arteko trukea eta bai Europar Batasune-

an polizien lankidetzeta eta koordinazioa antolatzeke eskumenak dituzten erakundeekikoa ere.

5. Nafarroako Foruzaingo eta udaltzaingotako agintari eta kideak beharturik egonen dira beren eginkizunetarako beharrezkoa duten informazioa elkarri ematera, gaia dela-eta bidezkoa izan daitekeen isilpea eragotzi gabe eta lege aplikagarriak erabat errespetatuz, bereziki datu pertsonalen babesari buruzkoak.

6. Udaltzaingoa duten toki entitateek segurtasun publikoaren arloan eskumena duen departamentuari ondoko informazioak bidali beharko dizkiote urtero, lehen hiruhilekoan, departamentu horrek ezartzen dituen irizpide bateratuen arabera eginak:

- a) Aurreko urtean egindako zerbitzuen memoria.
- b) Delitu, hutsegite eta denetariko gorabeheren erregistroko datuak.
- c) Giza baliabide eta baliabide materialen dotazioak.

24. artikulua. Lankidetzeta hitzarmenak.

1. Nafarroako Gobernuak, segurtasun publikoaren arloko eskumenak dituen departamentuaren bitartez, lankidetzeta hitzarmenak sinatu ahal izanen ditu gainerako administrazio publikoekin, segurtasun arloan haiek dituzten eskumenen eremuetan, ondoko xede hauek betetzeko:

a) Zerbitzuetan, bereziki polizia-zerbitzuetan, koordinazioa eta lankidetzeta antolatzeke moduak eta prozedurak zehaztea, eta segurtasunaren esparru guztietan politika publikoak garatzeko jarduketak ere bai.

b) Udaltzaingorik ez duten udalei Nafarroako Foruzaingoak laguntza ematea, udaltzain zerbitzuak eginez.

c) Udaltzaingoa duten udalei Nafarroako Foruzaingoak laguntza ematea aldi baterako edo berriazko zerbitzuak eginez, garrantziagatik edo espezializazioagatik beren baliabideekin ezin bete dituztenean.

d) Polizia-zerbitzu elkartuen eta partekatuen jarduna eta baterako ekintzak planifikatzea.

2. Lankidetzeta hitzarmenetan batzorde edo lan taldeen eraketa aurrekusi ahal izanen da aurreikusitako jarduketak burutzeko, bai eta zainketa eta kontrol organoen eraketa ere. Organo horiek, hitzarmena sinatzen duen udalak udaltzaingoa baldin badu, tokiko segurtasun batzordeei lotu behar zaizkie.

3. Nolanahi ere, segurtasun kidegoen arteko lankidetzaren hitzarmenak formalizatzeko tresnek, Nafarroako Foru Komunitateko Administrazioari buruzko abenduaren 3ko 15/2004 Foru Legearen 88.4 artikuluan eskatzen diren baldintza orokorrean gain, ondokoak ezarri beharko dituzte:

- a) Xedeak eta helburuak.
- b) Zerbitzuen mugaketa eta kidegoen arteko banaketa.
- c) Zerbitzu partekatuetan jarduteko protokoloak.
- d) Poliziaren presentziaren estandar orokorrak.
- e) Polizia-informazioaren arloko lankidetzaren eremua eta protokoloak.
- f) Ekintzen koordinazioaren arloko lankidetzaren eremua eta protokoloak.
- g) Informazioa bildu eta lantzeko prozedurak.
- h) Emaitzak ebaluatzeko prozedurak.
- i) Jendeari argibideak emateko prozedurak.

4. Lankidetzaren hitzarmenak bermatu egin behar dute herritarrek eduki eta kalitate bereko segurtasun zerbitzuak jasoko dituztela, bizi diren tokian bizi direla ere, eta ezaugarri soziodemografiko berdintsuak dituzten udalerrietan segurtasun zerbitzuak parekoak izan direla.

25. artikulua. Eginkizunen mugaketa Foruzaingoaren eta udaltzaingoen artean.

1. Hauek dira Nafarroako Foruzaingoaren eginkizunak:

- a) Herritarren segurtasunerako polizia- lanak, hau da, Foru Komunitateko agintariak babestea, Foru Komunitateko erakundeen egoitzak zaintzea, manifestazioetan eta ekitaldi jendetsuetan herritarren babestea, eta esku hartzea ordena berrezartzeko edota pertsonak, ondasunak eta herritarren segurtasuna babesteko.
- b) Polizia administratiboko lanak.
- c) Polizia judizialeko lanak.
- d) Hiriarteko trafikoa zaindu eta antolatzea.

2. Hauek dira udaltzaingoen eginkizunak:

- a) Herritarren segurtasunerako polizia-lanak, hau da, toki korporazioetako agintariak babestea eta haien eraikin eta instalazioak zaintzea.
- b) Hiriko trafikoa zaintzeko polizia-lanak, atestatu instrukzioa barne.
- c) Polizia administratiboko lanak, udal eskumenen eremuan.

d) Manifestazioetan eta ekitaldi jendetsuetan herritarren babestea laguntzea, Tokiko Segurtasun Batzordeak zehazten duenaren arabera.

e) Polizia judizial gisa dagozkien eginkizunak, indarra duen araudiarekin bat.

f) Polizia komunitarioko lanak, herritarren bizikidetzaren eta tokiko zerbitzu publikoen eremuetan.

3. Hauek dira Foruzaingoak eta udaltzaingoen batera dituzten eginkizunak:

- a) Hurbileko polizia-lanak eta herritarrei laguntza eta sorospena ematea.
- b) Gatazka pribatuak adiskidetasunez konpontzeko esku hartzea, hala eskatzen bazaie.
- c) Eremu publikoak zaintzea.

4. Aurreko idatz-zatian aipatutako eginkizun partekatuetan Nafarroako Foruzaingoak eta udaltzaingoen langileak elkarrekin aritzen direnean, kasu kasuko lankidetzaren hitzarmenaren zehaztutako agintariak zuzenduko dute ekintza, edo Tokiko Segurtasun Batzordeak, halakorik baldin bada; edo, besterik ezean, esku hartzen duten kidegoetako buruek batera zehaztuko dute nork hartu behar duen zuzendaritza.

VI. KAPITULUA Herritarrekiko harremanak

26. artikulua. Herritarren eskubideak.

Herritarrek eskubidea izan dute segurtasun publikoaren arloko eginkizunetan parte hartzeko, elkarrekin bidez eta foru lege honetan araututako herritarren segurtasunerako kontseiluetan ordezkariak dituzten entitateen bidez.

27. artikulua. Kexak eta eskaerak.

1. Herritarrek segurtasun arloko agintariei nahi dituzten kexak eta eskaerak aurkeztu ahal izan diren dizkiete segurtasun zerbitzuei buruz eta agenteen jardunari buruz.

2. Bai segurtasun publikoaren arloan eskumena duen departamentuak eta bai udalek, beren polizia-kidegoek herritarrei laguntzeko dituzten bulegoen bitartez, herritarren kexak eta eskaerak jasotzeko eta erantzunak emateko zerbitzua eskaini beharko dute.

28. artikulua. Segurtasun zerbitzu publikoen karta.

Nafarroako Herritarren Segurtasunerako Kontseiluak txostena egin eta gero, Nafarroako administrazio publikoek segurtasun zerbitzu publikoen karta bana ezarri beharko dute. Karta horietan jasoko dira herritarrek segurtasun arloan dituzten

eskubide eta betebeharrak, indarra duen legeriari jarraituz.

Xedapen gehigarri bakarra. Segurtasun arloko zehapenak ezartzeko eskumena duten Nafarroako Foru Komunitateko Administrazioari.

1. Herritarren Segurtasunaren Babesari buruzko otsailaren 21eko 1/1992 Lege Organikoaren xedapen gehigarrian ezarritakoaren ondorioetarako, honakoak dira agintari eskudunak:

a) Nafarroako Gobernuak, 600.000 euro arteko isunak eta arau-hauste oso larri, larri edo arinengatiko gainerako zehapenak ezartzeko.

b) Segurtasun publikoaren arloko eskumenak dituen departamentuko kontseilaria, 300.000 euro arteko isunak eta arau-hauste oso larri, larri edo arinengatiko gainerako zehapenak ezartzeko.

c) Segurtasun publikoaren arloko eskumenak dituen zuzendari nagusia, 60.000 euro arteko isunak eta arau-hauste oso larri, larri edo arinengatiko gainerako zehapenak ezartzeko.

2. Nafarroako Foru Komunitateko Administrazioaren esparruan, eta Segurtasun Pribatuari buruzko ekainaren 30eko 23/1992 Legearen 4. xedapen gehigarrian ezarritakoaren ondorioetarako, honakoak dira agintari eskudunak:

a) Segurtasun publikoaren arloan eskumenak dituen departamentuko kontseilaria, hutsegite oso larri dagokienez.

b) Segurtasun publikoaren arloan eskumenak dituen zuzendari nagusia, hutsegite larri eta arin dagokienez.

Xedapen gehigarri berria. Nafarroako udaltzaingoetako segurtasun publikoko laguntzaileak.

Nafarroako udaltzaingoek, urriaren 14ko 213/2002 Legegintzako Foru Dekretuaren bidez onetsirik Nafarroako Polizia Kidegoei buruzko Foru Legearen Testu Bateginaren 27. artikuluan

ezarritakoa ezertan galarazi gabe, poliziaren laguntzaile eginkizunak beteko dituzten langileak izan ditzakete, ohiz kanpoko edo aldi baterako beharrezanean erantzuteko. Langile horiek beteko dituzten eginkizunak soilik izanen dira ondasunen, zerbitzuen, instalazioen eta egoitza ofizialen zain-tza, bideetako trafikoa antolatzea, trafiko arauak jarraituz, herritarren sorospen-eginkizunetan eta babes zibilaren arlokoetan parte hartzea eta administrazio izaera duten arauak betearaztea. Eginkizun horietarako agintaritzaren agentetzat hartuko dira. Langile horiek Nafarroako administrazio publikoaren zerbitzuko langileen D mailakoak izanen dira eta ez dute suzko armarik eramanen beren eginkizunetan. Zerbitzua ematen hasi aurretik frogatu beharko dute Nafarroako Segurtasun Eskolak ematen duen Nafarroako polizia kidegoetako segurtasun publikoko laguntzaileen ikastaroa gainditu izana.

Xedapen indargabetzaile bakarra. Indargabetzeen araubidea.

Indarrak gabe utzi dira Nafarroako polizia kidegoei buruzko Foru Legearen testu bateginaren (urriaren 14ko 213/2002 Legegintzako Foru Dekretuaren bidez onetsia) II. tituluko III. kapitulua (19 eta 20. artikulua) eta V. kapitulua (23, 24 eta 25. artikulua), bai eta foru lege honetan ezarritakoaren kontrakoak diren maila bereko edo apalagoko arau guztiak ere.

Azken xedapenetan lehenbizikoa. Erregelamenduzko arauak emateko gaikuntza.

Nafarroako Gobernuari baimena ematen zaio foru lege hau garatu eta betearazteko behar diren erregelamenduzko arau guztiak eman ditzan.

Azken xedapenetan bigarrena. Indarra hartzea.

Foru lege honek Nafarroako Parlamentuko Aldizkari Ofizialean argitaratu eta biharamunean hartuko du indarra.

E saila:

JABELDURAK, MOZIOAK ETA ADIERAZPEN POLITIKOAK

Mozioa. Horren bidez, Nafarroako Gobernua premiatzen da elkarrizketa txanda bat izan dezan Nafarroako alderdi politikoekin, terrorismoa elkarrizketa bidez amaitzearen aldeko apustua egin ahal izateko jarrera adostuak bilatze aldera.

IZQUIERDA UNIDA DE NAVARRA-NAFARROAKO EZKER BATUA PARLAMENTU-TALDEAK AURKEZTU DU

Izquierda Unida de Navarra-Nafarroako Ezker Batua parlamentu-taldeak ondoko mozioa aurkeztu du: "Nafarroako Gobernua premiatzen da elkarrizketa txanda bat izan dezan Nafarroako alderdi politikoekin, terrorismoa elkarrizketa bidez amaitzearen aldeko apustua egin ahal izateko jarrera adostuak bilatze aldera."

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen aurkeztutako mozioa tramitera onartzea, Nafarroako Parlamentuko Aldizkari Ofizialean argitara dadin agintzea eta haren eztabaida eta bozketa Osoko Bilkuran egitea. Erregelamenduko 193. artikuluan ezarritakoarekin bat, parlamentu-taldeek eta foru parlamentariak zuzenketak aurkeztu ahal dituzte, eztabaidari ekiteko bilkura-egunaren aurrekoaren eguerdiko hamabiak baino lehen.

Iruñean, 2006ko maiatzaren 29an

Lehendakaria: Rafael Gurrea Induráin

MOZIOAREN TESTUA

Izquierda Unida de Navarra-Nafarroako Ezker Batua parlamentu-taldeak, Legebiltzarreko Erregelamenduan xedatuaren babesean, ondoko mozioa aurkeztu du, Osoko Bilkuran eztabaida dadin.

Espainiako Gobernuak lehendakariak iragarri du indar politikoei jakinaraziko diela "ETArekiko elkarrizketa prozesuaren hasiera, indarkeriari amaiera emateko". Erabaki hori hartu da behin ETAK joan den martxoaren 22an iragarritako sutesenaren norainokoa ebaluatu ondoren. Gobernuak buruak bere gain hartu zuen Gobernuak zuhertasunez jokatzeko konpromisoa "egiten den urrats

bakoitza norabide zuzenean eginiko urrats atzerazina izan dadin".

Hala eta guztiz ere, itxaropenezko iragarpen horren aurrean, Nafarroako Gobernuak erabaki bat onetsi du non esaten baitu ez direla betetzen prozesua zabaltzeko behar diren baldintzak. Parlamentu-talde hau ez dator bat foru gobernuaren erabakiarekin. Gure ustez, beste une batzuetan gertatu den bezala, Espainiako Gobernuak behar diren urratsak egin behar ditu terrorismoari amaiera emateko. Are gehiago ikusita Diputatuen Kongresuak jarrera hori berretsi duela nazioaren egoerari buruzko azken eztabaidan.

Gainera, gure ustez, Nafarroako Gobernuaren jarrerak orpoz orpo jarraitzen dio Alderdi Popularraren estrategiari.

Horregatik guztiagatik, Nafarroako Ezker Batua-Izquierda Unida de Navarra parlamentu-taldeak honako erabaki proposamen hau aurkeztu du:

– Nafarroako Parlamentuak Nafarroako Gobernua premiatzen du elkarrizketa txanda bat izan dezan Nafarroako alderdi politikoekin gai honetan jarrera adostuak biltze aldera; hau da, terrorismoa elkarrizketa bidez amaitzearen aldeko akordio politiko zabal bat prestatzea bideratuko duten jarrerak.

– Akordio hori, Nafarroan, herritarren borondatea errespetatuz lortu beharko da.

– Azkenik, legebiltzar honek Espainiako Gobernuak lehendakaria premiatzen du Nafarroako Gobernuak lehendakariarekin egin behar duen bilera ahal den bezain azkar egin dezan.

Iruñean, 2006ko maiatzaren 23an

Eleduna: José Miguel Nuin Moreno

Mozioa. Horren bidez, Nafarroako Gobernua premiatzen da gizarteratze-ko etxebizitzaren 2006ko programa kudeatzeko hitzarmena sina dezan.

ARALAR PARLAMENTU-TALDEAK AURKEZTU DU

Aralar parlamentu-taldeak ondoko mozioa aurkeztu du: "Nafarroako Gobernua premiatzen da gizarteratze-ko etxebizitzaren 2006ko programa kudeatzeko hitzarmena sina dezan".

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen aurkeztutako mozioa tramitera onartzea, Nafarroako Parlamentuko Aldizkari Ofizialean argitara dadin agintzea eta haren eztabaida eta bozketa Osoko Bilkuran egitea. Erregelamenduko 193. artikuluan ezarritakoarekin bat, parlamentu-taldeek eta foru parlamentariak zuzenketak aurkeztu ahalko dituzte, eztabaidari ekiteko bilkura-egunaren aurrekoaren eguerdiko hamabiak baino lehen.

Iruñean, 2006ko maiatzaren 29an

Lehendakaria: Rafael Gurrea Induráin

MOZIOAREN TESTUA

Aralar parlamentu-taldeko eledun Patxi Zabaleta Zabaletak, Legebiltzarreko Erregelamenduko 192. artikuluan eta hurrengoetan xedatuaren babesean, ondoko mozioa aurkeztu dio Nafarroako Parlamentuko Mahaiari, Osoko Bilkuran eztabaidatu eta bozkatzeko:

Zioak:

Gizarteratze-ko etxebizitzaren programa Nafarroako Gizarte Ongizatearen Institutuak, Etxebizitza Departamentuak eta Nafarroako gizarte ekimeneko entitateek sinaturiko hitzarmenaren bitartez kudeatu izan da.

Aurten, maiatzaren erdialdean, hitzarmena sinatu gabe dago, eta horrek galarazi egiten du programa aurrera eramatea. Horrek berekin dakar, besteak beste, 200 familia inguru programa hastaren zain egotea eta beste erabiltzaile batzuek arriskuan izatea sinatu bai baino gauzatu ez diren aurre-kontratuen ondorioz sorturiko diru-kopuruak.

Erabaki proposamena:

1. Nafarroako Parlamentuak Nafarroako Gobernua premiatzen du hilabeteko epean gizarteratze-ko etxebizitzaren 2006ko programa kudeatzeko hitzarmena sina dezan.

2. Nafarroako Parlamentuak Nafarroako Gobernua premiatzen du hitzarmen hori, 2007rako, ekitaldi ekonomikoaren lehen hiruhilekoan sina dadin.

Iruñean, 2006ko maiatzaren 23an

Eleduna: Patxi Zabaleta Zabaleta

Mozioa. Horren bidez, Nafarroako Gobernua premiatzen da etxebizitza arloan lehentasunez erosi eta atzera eskuratzeko eskubidea balia dezan beti.

SOCIALISTAS DEL PARLAMENTO DE NAVARRA PARLAMENTU-TALDEAK AURKEZTU DU

Socialistas del Parlamento de Navarra parlamentu-taldeak ondoko mozioa aurkeztu du: "Nafarroako Gobernua premiatzen da etxebizitza arloan lehentasunez erosi eta atzera eskuratzeko eskubidea balia dezan beti".

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen aurkeztutako mozioa tramitera onartzea, Nafarroako Parlamentuko Aldizkari Ofizialean argitara

dadin agintzea eta haren eztabaida eta bozketa Osoko Bilkuran egitea. Erregelamenduko 193. artikuluan ezarritakoarekin bat, parlamentu-taldeek eta foru parlamentariak zuzenketak aurkeztu ahalko dituzte, eztabaidari ekiteko bilkura-egunaren aurrekoaren eguerdiko hamabiak baino lehen.

Iruñean, 2006ko maiatzaren 29an

Lehendakaria: Rafael Gurrea Induráin

MOZIOAREN TESTUA

Socialistas del Parlamento de Navarra parlamentu-taldeak, Legebiltzarreko Erregelamenduan xedatuaren babesean, ondoko mozioa aurkeztu du, Osoko Bilkuran Batzordean eztabaidatu eta onesteko.

Zioen azalpena:

Beharrezkoa denez diru publikoaz finantzaturiko etxebizitzak berreskuratzea, berriz eskuragarri jarri eta horrela interes orokorrak ez daitezen kalte-turik atera, eta legebiltzar honek onetsitako foru araudia betez, Socialistas del Parlamento de

Navarra parlamentu-taldeak ondoko mozioa aurkeztu du:

1. Nafarroako Parlamentuak Nafarroako Gobernua premiatzen du etxebizitzaren arloan lehentasunez erosi eta atzera eskuratzeko eskubidea balia dezan beti, eta bereziki babestutako etxebizitzaren enkante judizialean, zeinak exekutatu baitira babestutako etxebizitzaren prezioaz behera dauden zenbatekoen arabera.

Iruñean, 2006ko martxoaren 25ean

Eleduna: Fernando M.^a Puras Gil

Mozioa. Horren bidez, Nafarroako Gobernua premiatzen da nahitaez bete beharreko klausula bat sar dezan fundazio, elkarte nahiz erakunde pribatuekin sinatzen dituen akordio edo hitzarmenetan, horien ordezkariak behartuta egon daitezen, kasuan kasuko erakundeek hala eskatzen dutenean, bertaratu eta eskatu zaizkien argibide eta azalpenak ematera.

SOCIALISTAS DEL PARLAMENTO DE NAVARRA PARLAMENTU-TALDEAK AURKEZTU DU

Socialistas del Parlamento de Navarra parlamentu-taldeak ondoko mozioa aurkeztu du: "Nafarroako Gobernua premiatzen da nahitaez bete beharreko klausula bat sar dezan fundazio, elkarte nahiz erakunde pribatuekin sinatzen dituen akordio edo hitzarmenetan, horien ordezkariak behartuta egon daitezen, kasuan kasuko erakundeek hala eskatzen dutenean, bertaratu eta eskatu zaizkien argibide eta azalpenak ematera."

Nafarroako Parlamentuko Mahaia, 2006ko maiatzaren 29an egindako bilkuran, erabaki zuen aurkeztutako mozioa tramitera onartzea, Nafarroako Parlamentuko Aldizkari Ofizialean argitara dadin agintzea eta haren eztabaida eta bozketa Osoko Bilkuran egitea. Erregelamenduko 193. artikuluan ezarritakoarekin bat, parlamentu-taldeek eta foru parlamentariak zuzenketak aurkeztu ahalko dituzte, eztabaidari ekiteko bilkura-egunaren aurrekoaren eguerdiko hamabiak baino lehen.

Iruñean, 2006ko maiatzaren 29an

Lehendakaria: Rafael Gurrea Induráin

MOZIOAREN TESTUA

Socialistas del Parlamento de Navarra parlamentu-taldeak, Legebiltzarreko Erregelamenduan

xedatuaren babesean, ondoko mozioa aurkeztu du, Osoko Bilkuran eztabaidatu eta onesteko.

Zioen azalpena:

"Nafarroako Gobernuak Humanismo y Democracia Fundazioari 2000tik 2005era emaniko diru-laguntzei buruz" Nafarroako Comptos Ganberak eginiko fiskalizazio txostenaren ondorioz, antzeman da "gorabeherak" aurkitu diren bi espedientetan, kasuko tokian laguntza jasotzen zuena Espainiako Gizarte eta Osasun Ikasketen Fundazioaren Boliviako filiala zela; hain zuzen ere hauek dira espedienteak: 268/2002 espedientea, Osasunaren profesionalentzako laguntza tekniko eta prestakuntza (Bolivia) –104.000 euroko dirulaguntza eman zen eta ordainduta dago–, eta 2002/2003 espedientea, Osasunaren eta profesionalentzako laguntza tekniko eta prestakuntza (Bolivia) (2003-2005) –404.624 euroko dirulaguntza eman zen eta 110.352 euro ordaindu dira–. Fundazio honek harremanak zeuzkan foru administrazioarekin gutxienez ere 1999tik, urte hartan sinatu baitzen lankidetzak hitzarmen markoa.

Aurreko proiektuek, funtsean, prestakuntza jarduerak biltzen zituzten, eta kasuko tokian laguntza nagusiki jasotzen duena alderdi kontrario nagusia Instituto Dermatológico y Cirugía de la piel era-

kundea bada ere, exekuzio materialean Gonzalo Ruiz Sánchez jauna kudeatzailea duen fundazioak laguntzen du.

Dominikar Errepublikako proiektuei dagokienez, 267/2002 espedientean, "Profesionalak osasun tekniken, ospitaleen gerentziaren eta garapen iraunkorraren arloetan prestatzeko programa (2002-2004)" –209.995 euroko dirulaguntza eman zen–, 2002ko eta 2003ko lehen zatiko zenbatekoak ordaindu dira –guztira, 223.612,49 euro–. 2003ko zenbatekotik, Espainiako Gizarte eta Osasun Ikasketen Fundazioari loturiko entitate edo fundazio edo pertsonen osaturiko taldeak Nafarroako Gobernuari egotzitako gastuen % 30 kobratu ditu; 2004an, Nafarroako Gobernuari egotzitako gastuen % 61.

Horrenbestez, txostenak ongi jasotzen duen bezala, behar ez bezala justifikaturiko gastuak, funtsean, Espainiako Gizarte eta Osasun Ikasketen Fundazioaren jardunetatik heldu dira.

Aurrekoa gorabehera, eta parlamentu-talde batzuek Espainiako Osasun eta Gizarte Ikasketen Fundazioak –zehazki, Gonzalo Ruiz Sánchez jaunak– Nafarroako Parlamentuan agerraldia egitea eskatu bazuten ere, azken horrek gonbita ezetsi zuen, eta horrek ez zion inolako ondoriorik ekarri ez berari, ez ordezkatzeko duen fundazioari.

Hori berriz gerta ez dadin, talde sozialistaren iritziz beharrezkoa, komenigarria eta gutxienez ere onuragarria izanen litzateke Nafarroako Foru Komunitateko administrazioak irabazi asmorik gabeko fundazio edo erakundeekin lankidetzahitzarmenak ezartzen dituzenean, haietan klausula bat ezartzea, non esanen baita fundazio edo erakundeen ordezkariak bertaratu beharko direla erakunde publikoek hori eskatzen dietenean, eskatzen zaizkien argibide eta azalpenak eman ditzaten. Argi utzi behar da mozio honek dioena hitzarmen edo akordioei buruzkoa dela, ez kontratuei buruzkoa, kontratuak lege indardunen pean baitaude.

Erabaki proposamena:

Nafarroako Parlamentuak Nafarroako Gobernua premiatzen du nahitaez bete beharreko klausula bat sar dezan fundazio, elkarte nahiz erakunde pribatuekin sinatzen dituen akordio edo hitzarmenetan, horien ordezkariak behartuta egon daitezten, kasuan kasuko erakundeek hala eskatzen dutenean, bertaratu eta eskatu zaizkien argibide eta azalpenak ematera.

Iruñean, 2006ko maiatzaren 25ean

Foru parlamentaria: Elena Torres Miranda

Mozioa. Horren bidez, Nafarroako Gobernua premiatzen da konpromiso berezia har dezan ikasle etorkinak edo hezkuntza premia bereziak dituztenak eskolatzen dituzten ikastetxeekin.

SOCIALISTAS DEL PARLAMENTO DE NAVARRA PARLAMENTU-TALDEAK AURKEZTU DU

Socialistas del Parlamento de Navarra parlamentu-taldeak ondoko mozioa aurkeztu du: "Nafarroako Gobernua premiatzen da konpromiso berezia har dezan ikasle etorkinak edo hezkuntza premia bereziak dituztenak eskolatzen dituzten ikastetxeekin".

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen aurkeztutako mozioa tramitera onartzea, Nafarroa-

ko Parlamentuko Aldizkari Ofizialean argitara dadin agintzea eta haren eztabaida eta bozketa Osoko Bilkuran egitea. Erregelamenduko 193. artikuluan ezarritakoarekin bat, parlamentu-taldeek eta foru parlamentariak zuzenketak aurkeztu ahal dituzte, eztabaidari ekiteko bilkura-egunaren aurrekoaren eguerdiko hamabiak baino lehen.

Iruñean, 2006ko maiatzaren 29an

Lehendakaria: Rafael Gurrea Induráin

MOZIOAREN TESTUA

Socialistas del Parlamento de Navarra parlamentu-taldeak, Legebiltzarreko Erregelamenduan xedatuaren babesean, mozio bat aurkeztu du, Osoko Bilkuran eztabaidatu eta bozkatzeko, Nafarroako Gobernua premiatzen duena hezkuntza arreta bereziko ikastetxetzat har daitezen ikasleen % 30 edo gehiago etorkinak dituzten ikastetxeak.

Nafarroako Parlamentuko Hezkuntza Batzordeak ongi ezagutzen du ikastetxe askok bizi duten errealitatea, batez ere sare publikoan, ikasteko zailtasun bereziak dituzten ikasle ugari dituztelako, asko eta asko etorkinak, gaztelaniaz ere ez dakitenak. Hori dela eta, egokia dirudi Hezkuntza Departamentua premiatzea konpromiso bereziak har ditzan ikasleetatik % 30 edo gehiago etorkinak edo hezkuntza premia bereziak dituztenak eskolatzten dituzten ikastetxeekin.

Hori dela-eta, ondoko erabaki proposamena aurkeztu dugu, Legebiltzarreko Osoko Bilkurak onets dezan:

Nafarroako Parlamentuak Nafarroako Gobernua premiatzen du konpromiso berezia har dezan ikasle etorkinak edo hezkuntza premia bereziak dituzten ikasleak eskolatzten dituzten ikastetxeekin.

Arreta bereziko ikastetxeekin hartutako konpromiso horiek berekin ekarriko dituzte, gutxienez ere, baliabide materialen eta irakasleen ohiko ekarpenez gaineko ekarpen gehigarriak, bai eta funtzionamendu normalerako behar dituzten laguntza teknikoak eta giza- eta prestakuntza-laguntzak ere.

Iruñean, 2006ko maiatzaren 23an

Eleduna: Fernando M.^a Puras Gil

F saila:
GALDERAK

Galdera, Villafrancako El Castellar ikastetxe publikoan gimnastikako irakasleak dutxatzeko erabiltzen duen gelan eskolan emateari buruzkoa.

FORU PARLAMENTARI PATXI TELLETXEA EZKURRA JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea Villafrancako El Castellar ikastetxe publikoan gimnastikako irakasleak dutxatzeko erabiltzen duen gelan eskolan emateari buruz foru parlamentari Patxi Telletxea Ezkurra jaunak egindako galdera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Aralar parlamentu-taldeko foru parlamentari Patxi Telletxea Ezkurra jaunak, Legebiltzarreko

Erregelamenduaren babesean, honako galdera hau aurkeztu du Hezkuntza kontseilari Luis Campoy Zueco jaunak ahoz erantzun dezan Osoko Bilkuran.

Villafrancako -Nafarroa- El Castellar ikastetxean, soinetako irakasleak dutxatzeko erabiltzen duen gelan ematen dituzte eskolak. Nafarroako hezkuntza sistemaren dinako iruditzen al zaio hori kontseilari jaunari?

Zer egingen du Hezkuntza Departamentuak ikastetxearen eskakizunei erantzuteko?

Iruñean, 2006ko maiatzaren 23an

Foru parlamentaria: Patxi Telletxea Ezkurra

Galdera, Nafarroako zenbait diputatuk Kataluniako Estatutuari buruzko erreferenduma egitearen aldeko botoa eman izanari buruzkoa.

FORU PARLAMENTARI PATXI ZABALETA ZABALETA JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea Nafarroako zenbait diputatuk Kataluniako Estatutuari buruzko erreferenduma egitearen aldeko botoa eman izanari buruz foru parlamentari Patxi Zabaleta Zabaleta jaunak egindako galdera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Aralar parlamentu-taldeko eledun Patxi Zabaleta Zabaleta jaunak, Legebiltzarreko Erregelamenduko 184. artikulua ezarritakoari jarraikiz, Osoko Bilkuran ahoz erantzuteko galdera hau aurkeztu dio Nafarroako Gobernuak lehendakari Sanz jaunari, eta tramitatzeke onar dezala eskatzen dio Nafarroako Parlamentuko Mahaiari.

Zer iritzi du Nafarroako Gobernuak lehendakari jaunak Nafarroako diputatu batzuek eman duten botoari buruz, hain zuzen ere Espainiako estatu osoan erreferendum bat egin dadin Kataluniako

Estatutuaren aldaketari buruz? Zer iritzi du hori Foru Hobetzearen balizko aldaketa baterako izan daitekeen aurrekariari buruz?

Hori horrela, Nafarroako Parlamentuko Mahaia-ri eskatzen diot Osoko Bilkurarako aurreko ahozko

galdera aurkeztutzat jo dezala eta behar bezala tramita dezala.

Iruñean, 2006ko maiatzaren 23an

Foru parlamentaria: Patxi Zabaleta Zabaleta

Galdera, Nafarroako Gobernuak antolatuta Nafarroako aurrekontuen kargura bazkariak egiten diren ekitaldietako pertsonen kontrolik ezari buruzkoa.

FORU PARLAMENTARI JOSÉ LUIS IZCO BIARGE JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea Nafarroako Gobernuak antolatuta Nafarroako aurrekontuen kargura bazkariak egiten diren ekitaldietako pertsonen kontrolik ezari buruz foru parlamentari José Luis Izco Biarge jaunak egindako galdera. Galdegileak eskatu du Osoko Bilkuran ahozko erantzuna eman daki-on.

Erabaki hori betetzeko, Nafarroako Parla-mentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parla-mentu-taldeari atxikitako foru parlamentari José Luis Izco Biargek, Legebiltzarreko Erregelamen-duan xedatuaren babesean, ondoko galdera hau aurkeztu du, Nafarroako Gobernuak lehendakari-ak Osoko Bilkuran ahoz erantzun dezan.

– Zure ustez zuzena al da Nafarroako Gobernuak antolatutako ekitaldietan Nafarroako aurrekontuen kargura bazkariak egiten direnean, gobernuak kontrolik ez izatea bertaraturiko pertsonen buruz eta, beraz, ez jakitea bazkarian parte har-tzen duten pertsonak gonbidaturik dauden ala ez?

Iruñean, 2006ko maiatzaren 18an

Foru parlamentaria: José Luis Izco Biarge

Galdera, Azagrako Haitzean egin beharreko obretarako kasuko ministerioari edo Ebroko Konfederazio Hidrografikoari dirulaguntza eskatu ez izanari buruzkoa.

FORU PARLAMENTARI JOSÉ LUIS IZCO BIARGE JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea Azagrako Haitzean egin beharreko obretarako kasuko ministerioari edo Ebroko Konfederazio Hidrografikoari dirulaguntza eskatu ez izanari buruz foru parlamentari José Luis Izco Biarge jaunak egindako galdera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari José Luis Izco Biargek, Legebiltzarreko Erregelamenduan xedatuaren babesean, ondoko galdera hau aurkeztu du, Nafarroako Gobernuak lehendakariak Osoko Bilkuran ahoz erantzun dezan.

– Zergatik ez zaio eskatu dagokion ministerioari edo Ebroko Konfederazio Hidrografikoari hitzarmen bat egiteko la Peña de Azagra izeneko para-jean egin beharreko lanak finantzatze aldera? Eta obra horiek egitea Nafarroaren eskumena bada ere, ba al duzu asmorik gutxi barru erakunde horiei laguntza eskatzeko?

Iruñean, 2006ko maiatzaren 18an

Foru parlamentaria: José Luis Izco Biarge

Galdera, 2005ean izandako dirusarrera eta gastuen egiazko zenbatekoari eta ekitaldiko azken emaitzari buruzkoa.

FORU PARLAMENTARI JESÚS PARDO GURPEGUI JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea 2005ean izandako dirusarrera eta gastuen egiazko zenbatekoari eta ekitaldiko azken emaitzari buruz foru parlamentari Jesús Pardo Gurpegi jaunak egindako galdera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari Jesús

Pardo Gurpegi, Legebiltzarreko Erregelamenduan xedatuaren babesean, ondoko galdera aurkeztu du, Ekonomi eta Ogasun kontseilariak Osoko Bilkuran ahoz erantzun dezan.

Ikusita 2005eko azken hiruhilekoan legebiltzar honek aurrekontu-ekitaldi horretarako onetsitako kontusailetan izan diren aldaketak, honakoa jakin nahi dugu:

– Zein da 2005eko dirusarrera eta gastuen zenbateko errealak? Zein da ekitaldiaren amaierako emaitza?

Iruñean, 2006ko maiatzaren 25ean

Foru parlamentaria: Jesús Pardo Gurpegi

Galdera, jakiteko ea Nafarroako Gobernuak Diputatuen Kongresuari zilegitasuna aitortuko dion Espainiako Gobernuko lehendakariari baimena eman diezaion indarkeria terrorista bukatzeko eta ETA behin betikoz desagertzeko elkarrizketa haste aldera.

FORU PARLAMENTARI FERNANDO MARÍA PURAS GIL JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea foru parlamentari Fernando María Puras Gil jaunak egindako galdera, jakiteko ea Nafarroako Gobernuak Diputatuen Kongresuari zilegitasuna aitortuko dion Espainiako Gobernuko lehendakariari baimena eman diezaion indarkeria terrorista bukatzeko eta ETA behin betikoz desagertzeko elkarrizketa haste aldera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari Fernando M.^a Puras Gilek, Legebiltzarreko Erregelamenduan xedatuaren babesean, bake prozesuaren hasierari buruzko ondoko galdera aurkeztu du, Nafarroako Gobernuko lehendakariak ahoz erantzun dezan Osoko Bilkuran.

Nafarroako Gobernuko lehendakariak adierazpen bat baino gehiago egin du indarkeria terrorista bukatzeko prozesua zalantzan jartzeko. Adieraz-

pen horiek, berak aitortu zuen bezala, ez zeuden datu errealetan oinarriturik.

Aste honetan, Espainiako lehendakari José Luis Rodríguez Zapaterok jakitera eman du ekainean Diputatuen Kongresuari baimena eskatuko diola indarkeriari amaiera emateko elkarrizketa prozesua hasteko.

Nafarroako Gobernuak, maiatzaren 22an egindako bilkuran, honakoa dioen erabaki bat hartu zuen: "Ezezkoa ematen diola elkarrizketa prozesuaren hasiera onartzeari"

Hori guztia dela eta, Socialistas del Parlamento de Navarra parlamentu-taldeak ahoz erantzuteko ondoko galdera egiten dio Nafarroako Gobernuko lehendakariari:

– Baldin eta Diputatuen Kongresuak baimena ematen badio Espainiako Gobernuko lehendakariari elkarrizketak hasteko indarkeria terrorista bukatze aldera eta ETA behin betikoz desagertzeko prozesua ongi burutze aldera, erabaki horren ondoren, aitortuko al du Nafarroako Gobernuak Diputatuen Kongresuak duen zilegitasuna Espainiako Gobernuko lehendakariari baimena emateko elkarrizketa prozesua abiaraz dezan?

Iruñean, 2006ko maiatzaren 25ean

Foru parlamentaria: Fernando M.^a Puras Gil

Galdera, elkarrizketa prozesu bat abiarazteko inguruabarrak egokiak ez direla esateko Gobernuko lehendakariak dituen datuei buruzkoa.

FORU PARLAMENTARI FERNANDO MARÍA PURAS GIL JAUNAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea elkarrizketa prozesu bat abiarazteko inguruabarrak egokiak ez direla esateko Gobernuko lehendakariak dituen datuei buruz foru parlamentari Fernando María Puras Gil jaunak

egindako galdera. Galdegileak eskatu du Osoko Bilkuran ahozko erantzuna eman dakion.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeari atxikitako foru parlamentari Fernando M.^a Puras Gilek, Legebiltzarreko Erregelamenduan xedatuaren babesean, bake prozesuaren hasierari buruzko ondoko galdera aurkeztu du, Nafarroako Gobernuko lehendakariak ahoz erantzun dezan Osoko Bilkuran.

Nafarroako Gobernuko lehendakariak adierazpen bat baino gehiago egin du indarkeria terroristaren amaierako emateko prozesua zalantzan jartzeko. Adierazpen horiek, berak aitortu zuen bezala, ez ziren datu errealetan oinarritzen.

Aste honetan, Espainiako lehendakari José Luis Rodríguez Zapaterok jakitera eman du ekainean Diputatuen Kongresuari baimena eskatuko

diola indarkeriari amaiera emateko elkarrizketa prozesua hasiera emateko. Sanz jaunak publikoki adierazi du "elkarrizketa prozesu bat abiarazteko inguruabarrak egokiak ez direla".

Hori guztia dela eta, Socialistas del Parlamento de Navarra parlamentu-taldeak ahoz erantzuteko ondoko galdera egiten dio Nafarroako Gobernuko lehendakariari:

– Zer datu eta informazio dauzka Nafarroako Gobernuko lehendakariak publikoki adierazitakoa oinarritzeko, alegia, elkarrizketa prozesu bat abiarazteko inguruabarrak egokiak ez direla, eta, beraz, espainiar guztien lehendakariaren erabakia zalantzan jartzeko?

Iruñean, 2006ko maiatzaren 25ean

Foru parlamentaria: Fernando María Puras Gil

Galdera, mahastien eskubideen prezioari eta mahatsaren ekoizpenaren kontrolari buruzkoa.

FORU PARLAMENTARI HELENA BERRUEZO VALENCIA ANDREAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea foru parlamentari Helena Berruezo Valencia andreak egindako galdera, mahastien eskubideen prezioari eta mahatsaren ekoizpenaren kontrolari buruzkoa. Galdegileak idatzizko erantzuna eskatu du.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeko foru parlamentari Helena Berruezo Valenciak, Legebiltzarreko Erregelamenduan xedatutakoaren babesean, honako galdera hau aurkeztu du, Nafarroako Gobernuak idatziz erantzun dezan.

Evenako zuzendari kudeatzaile Oroz jaunak, Nekazaritza eta Abeltzaintza Batzordean eginiko agerraldian, argibideak eman zizkigun gobernuak mahastien erauzketa diruz laguntzeko planaren egoerari buruz.

Plan horrek emaitza onik ez duela eman egiaztatu genuen. Gobernuak iragarri zuen mahastietako mila hektarearen eskubideak erosi nahi zituela. Epea bukatu da eta nekazariak soilik 160 hektarea eskaini dizkiote foru gobernuari, hasieran lortu nahi ziren mila haietatik.

Jatorrizko deiturak mahastien errendimendurako ezarritako muga hektareako 7.500 kilokoa da une honetan. Helburu hori lortzea oso ere garrantzitsua da, zeren eta ekoizpena murriztuz Nafarroako ardandegien egungo soberakinak gutxitu baillitezke.

Hori dela eta, hauxe jakin nahi dut:

- Ba al du Nafarroako Gobernuak mahastien eskubideen prezioa erregu bakoitzeko 300 eurora igotzeko asmoa, nekazariak saltzeko aukera benetan azter dezaten?

- Zer ari da egiten Nafarroako Gobernuak mahatsaren produkzioa kontrolatzeko, hektareako 7.500 kilokoa izan dadin, jatorrizko deituraren kontseilu arau-emaileak erabaki zuen bezala?

Iruñean, 2006ko maiatzaren 23an

Foru parlamentaria: Helena Berruezo Valencia

Galdera, Fiteroko aztarnategiari buruzkoa.

FORU PARLAMENTARI HELENA BERRUEZO VALENCIA ANDREAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea foru parlamentari Helena Berruezo Valencia andreak egindako galdera, Fiteroko aztarnategiari buruzkoa. Galdegileak idatzizko erantzuna eskatu du.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeko foru parlamentari Helena Berruezo Valenciak, Legebiltzarreko Erregelamenduan xedatutakoaren babesean, honako galdera hau aurkeztu du, Nafarroako Gobernuak idatziz erantzun dezan:

Zaragozako Unibertsitateko irakasle Manuel Medrano jaunak zuzentzen duen arkeologia taldearen iritziz, garrantzitsua da Peñahitero herrixka

zeltaren aztarnategia sendotzeko proiektu bat egi-tea, egun agerian dagoena sendotzeaz gainera.

Hiru urtez luzatu den indusketen kanpaina eta aurkitutako aztarnak baliarazteko azterlana Fiteroko Udalaren eta Eder Partzuergoaren dirulaguntzekin egin dira.

Talde horren arabera, 116.200 euro kostatuko liriteke herrixka zelta zaharberitu eta birsortzeko eta harresiaren erdiko aldea berregiteko lanak –printzearen hilobia, dorrea, hustubidea eta abar barne–.

Hori dela-eta, hauxe jakin nahi dut:

- Fiteroko aztarnategian Kristo aurreko VI. mendeko aztarna arkeologikoak aurkitu dira. Garrantzitsua al da aztarnategi hori Nafarroako Gobernuarentzat?

- Ba al du Nafarroako Gobernuak asmoa Fiteroko aztarnategian lan egiten duten arkeologoen proposamena gauzatu eta Peñahiteroko herrixka zelta zaharberitu eta birsortzeko?

Iruñean, 2006ko maiatzaren 23an

Foru parlamentaria: Helena Berruezo Valencia

Galdera, Jorge Oteiza Museoak jaso duen bisita kopuruari buruzkoa.

FORU PARLAMENTARI HELENA BERRUEZO VALENCIA ANDREAK EGINA

Nafarroako Parlamentuko Mahaiak, 2006ko maiatzaren 29an egindako bilkuran, erabaki zuen tramitera onartzea foru parlamentari Helena Berruezo Valencia andreak egindako galdera, Jorge Oteiza Museoak jaso duen bisita kopuruari buruzkoa. Galdegileak idatzizko erantzuna eskatu du.

Erabaki hori betetzeko, Nafarroako Parlamentuko Aldizkari Ofizialean argitara dadin agindu dut.

Iruñean, 2006ko maiatzaren 29an

Lehendakaria: Rafael Gurrea Induráin

GALDERAREN TESTUA

Socialistas del Parlamento de Navarra parlamentu-taldeko foru parlamentari Helena Berruezo

Valenciak, Legebiltzarreko Erregelamenduan xedatutakoaren babesean, honako galdera hau aurkeztu du, Nafarroako Gobernuak idatziz erantzun dezan.

- Zenbat bisitari hartu ditu Jorge Oteiza Museoak zabaldu zenetik?

- Adierazi zenbat bisitari hartu dituen Nafarroatik, Espainiako gainerako autonomia erkidegoetatik eta atzeritik. Adierazi, baita ere, ikasleen zenbat bisita hartu dituen.

Iruñean, 2006ko maiatzaren 23an

Foru parlamentaria: Helena Berruezo Valencia

Galdera, “Xavier-arte” erakusketarako aurrekontuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak “Xavier-arte” erakusketarako aurrekontuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabi-

erkoaren jaiotzaren V. mendeurrena ospatzeko antolatu den “Xavier-Arte izeneko erakusketaren aurrekontuari buruz. Hona hemen Toki Administrazioiko kontseilari eta Nafarroako Gobernuaren eledun denaren erantzuna:

“Xavier-Arte” izeneko erakusketa Nafarroako Kutxa Fundazioak kudeatzen du eta aurrekontua ere bere gain hartu du. Erakusketa Espainiako errege-erreginak inauguratuko dute apirilaren 7an, Xabierren.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioiko kontseilari eta Nafarroako Gobernuaren eleduna: Alberto Catalán Higuera

Galdera, Boliviako San Ignacio de Moxos orkestraren kontzertuko aurrekontuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak Boliviako San Ignacio de Moxos orkestraren kontzertuko aurrekontuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabi-erkoaren V. mendeurrena ospatzeko Frantzisko Jatsukoaren Aretoan Boliviako San Ignacio de

Moxos orkestrak emandako kontzertuaren aurrekontuari buruz. Hona hemen Toki Administrazioiko kontseilari eta Nafarroako Gobernuaren eledun denaren erantzuna:

Nafarroako Gobernuak 15.000 euroko laguntza eman du San Ignacio de Moxos Orkestra eta abesbatzaren kontzertuetarako, Lekunberrin, Tuteran, Lizarran, Los Arcosen, Iruñean eta Xabierren emandakoak. Beraz, Xabierren egindako kontzertuaren kostua kopuru horren seiren bat da, 2.500 euro alegia.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioiko kontseilari eta Nafarroako Gobernuaren eleduna: Alberto Catalán Higuera

Galdera, Frantzisko Jatsu eta Azpilkuetaren bosgarren mendeurreneko itxiera ekitaldirako aurrekontuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak Frantzisko Jatsu eta Azpilkuetaren bosgarren mendeurreneko itxiera ekitaldirako aurrekontuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitaratu dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabi-

erkoaren jaiotzaren V. mendeurrenari amaiera emateko ekitaldiaren aurrekontuari buruz. Hona hemen Toki Administrazioako kontseilari eta Nafarroako Gobernuaren eledun denaren erantzuna:

Nafarroako Parlamentuak, irailaren 27ko 18/1985 Foru Legearen bidez, Frantzisko Xabierkoaren eguna, hau da abenduaren 3a, Nafarroako eguna izendatu zuen, jaieguna dena. Aurtengo Nafarroako eguna Xabierren ospatzeko aurreikusita dagoen aurrekontua 15.000 eurokoa da.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioako kontseilari eta Nafarroako Gobernuaren eleduna: Alberto Catalán Higuera

Galdera, abuztuaren 6rako aurreikusita dagoen misiolarien aldeko omenaldirako aurrekontuaren gastuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak abuztuaren 6rako aurreikusita dagoen misiolarien aldeko omenaldirako aurrekontuaren gastuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitaratu dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabi-

erkoaren jaiotzaren V. mendeurrena ospatzeko abuztuaren 6an Xabierren Nafarroako misiolariari egin behar zaien omenaldiaren aurrekontuari buruz. Hona hemen Toki Administrazioako kontseilari eta Nafarroako Gobernuaren eledun denaren erantzuna:

Frantzisko Xabierkoaren jaiotzaren V. mendeurrena ospatzeko abuztuaren 6an Xabierren Nafarroako misiolariari egin behar zaien omenaldia bertan behera utzi da; izan ere, egun horretan gazte topaketa nazionalak egitea erabaki berri da.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioako kontseilari eta Nafarroako Gobernuaren eleduna: Alberto Catalán Higuera

Galdera, Argentinako eta Txileko nafarren etxeetako topaketen gastuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak Argentinako eta Txileko nafarren etxeetako topaketen gastuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabierkoaren jaiotzaren V. mendeurrena ospatzeko joan den abenduaren 6an Xabierren egin zen

Argentinako eta Txileko nafarren etxeetako topaketen gastuari buruz. Hona hemen Toki Administrazioiko kontseilari eta Nafarroako Gobernuaren eledun denaren erantzuna:

Frantzisko Xabierkoaren jaiotzaren V. mendeurrena ospatzeko joan den abenduaren 6an Xabierren egin zen Argentinako eta Txileko nafarren etxeetako topaketek 3.768 euroko gastua izan zuten. Horietatik, 1.200 euro Ganbera Abesbatza kontratatzeke izan ziren, eta 2.568 euro 300 lagunentzako otamena ordaintzeko.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioiko kontseilari eta Nafarroako Gobernuaren eleduna: Alberto Catalán Higuera

Galdera, 2005eko abenduaren 4an misiolariei eginiko omenaldiari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak 2005eko abenduaren 4an misiolariei eginiko omenaldiari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabierkoaren jaiotzaren V. mendeurrena ospatzeko joan den abenduaren 4an Xabierren Nafarroako

misiolariei egindako omenaldiaren gastuari buruz. Hona hemen Toki Administrazioiko kontseilari eta Nafarroako Gobernuaren eledun denaren erantzuna:

Frantzisko Xabierkoaren jaiotzaren V. mendeurrena ospatzeko joan den abenduaren 6an Xabierren Nafarroako misiolariei egindako omenaldiak 4.624 euroko gastua izan zuen. Horietatik, 1.200 euro Zangozako Nora Abesbatza kontratatzeke izan ziren, eta 3.424 euro 400 lagunentzako otamena ordaintzeko.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazioiko kontseilari eta Nafarroako Gobernuaren eleduna: Alberto Catalán Higuera

Galdera, Xabierko Frantzisko Jatsukoaren Aretoko ikuskizunaren gastuari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Helena Berruezo Valencia andreak Xabierko Frantzisko Jatsukoaren Aretoko ikuskizunaren gastuari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 21eko 23. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Socialistas del Parlamento de Navarra parlamentu-taldeko foru parlamentari Helena Berruezo Valencia andreak galdera egin du Frantzisko Xabierkoaren jaiotzaren V. mendeurrenaren ospakizunari hasiera emateko eta, era berean, Frantzisko

Jatsukoaren Aretoa inauguratzeko egin zen ikuskizunaren gastuari buruz. Hona hemen Toki Administrazio kontseilari eta Nafarroako Gobernuaren eledun denaren erantzuna:

Joan den abenduaren 3an, Frantzisko Xabierkoaren jaiotzaren V. mendeurrenaren ospakizunari hasiera emateko eta Frantzisko Jatsukoaren Aretoa inauguratzeko egin zen ikuskizunaren gastua 60.000 eurokoa izan zen. Beste aldetik, egun horretan eskainitako 1.000 lagunentzako otameak 17.600 euro kostatu zuen.

Hori guztia jakinarazten dizut Nafarroako Parlamentuko Erregelamenduaren 190. artikulua betetzeko.

Iruñean, 2006ko martxoan

Toki Administrazio kontseilari eta Nafarroako Gobernuaren eleduna: Alberto Catalán Higuera

Galdera, ezgaitasuna duten pertsonak kontratatzeari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari José Luis Etxegarai Andueza jaunak ezgaitasuna duten pertsonak kontratatzeari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 6ko 19. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

Lehendakaritza, Justizia eta Barne kontseilariaren erantzuna

Askotariko parlamentu-taldeari atxikitako José Luis Etxegarai Andueza jaunak galdera egin du ezgaitasunak dituzten pertsonak kontratatzeari buruz. Hona Lehendakaritza, Justizia eta Barne kontseilariaren erantzuna:

• 1.- Zenbat langile dira guztira eta Nafarroako Gobernuaren eta haren erakunde autonomoen zerbitzuko langile guztietan ehuneko zenbat dira % 33 edo gehiagoko ezgaitasuna duten pertsonak?

Pertsonen ezgaitasunari buruzko informazioa ezgaitasuna dutenek beren borondatez emanda baino ezin da lortu. Hori dela eta, ezin da zehaztu Nafarroako Gobernuaren langile guztietatik zenbat diren % 33 edo gehiagoko ezgaitasuna duten pertsonak.

Esan dezakegu, ordea, administrazio horretara ezgaitasuna duten pertsonen txandatik sartu diren langileen kopurua; izan ere, txanda horretatik sartzeko ezgaitasuna dutela ziurtatu behar izan dute. 2003ko urriaren 15ean, Miguel Izu Belloso Jaunak egindako PES-56/03 galderari erantzuteko, gai horri buruzko informazioa bidali genuen, aipatu datei zegokiena.

Hona laburbilduta ezgaitasuna duten pertsonen txandatik Nafarroako Foru Komunitateko

Administraziora sartutako langileen kopurua, sartu ziren lan eskaintza publikoaren urtearen arabera:

1994	6
1996	9
1998	14
2001	14
2002	2
2003	3 ⁱ
2004	3 ⁱⁱ
2005	tramitatzen ari da ⁱⁱⁱ

Informazioa osatzeko, esan dezakegu urte bakoitzari dagozkion lan eskaintza publikoak onesten dituzten foru dekretuetan ezgaitasuna duten pertsonentzat gordetako lanpostuak zehazten direla.

2005eko lan eskaintza publikoan, irakasle lanpostuak eskuratzeko lehiaketa-oposizioan gordetako 28 lanpostu horietaz gain, beste 62 lanpostu gorde dira ezgaitasuna duten pertsonen txandarako (martxoaren 7ko 58/2005 Foru Dekretuaren 3.1. artikulua, 2005eko martxoaren 21eko 34. Nafarroako Aldizkari Ofizialean argitaratu zena).

Geroztik, Funtzio Publikoaren zuzendari nagusiaren apirilaren 4ko 754/2005 Ebazpenaren bidez –2005eko ekainaren 1eko 65. Nafarroako Aldizkari Ofizialean argitaratua– Nafarroako Administrazioaren eta haren erakunde autonomoen 2005eko lan eskaintza publikoari dagokionez, ezgaitasuna duten pertsonen txandako lanpostuak zehaztu ziren.

Gaur egun, 2005eko lan eskaintza publikoa oraindik tramitatzen ari da, aipatutako irakasle lanpostuak izan ezik. Aldez aurretik, araudian ezarrita dagoen bezala, lehiaketa bidezko lekualdatzeetarako deia egin da, eta horiek ebazten direnean, oposiziorako deialdia egingen da.

Aipatu apirilaren 4ko 754/2005 Ebazpenean agertzen diren lanpostuak oposizioaren bidez betetzeko deialdietan ezgaitasuna duten pertsonen txandarako gorde diren lanpostuak ezartzen dira.

• 2.- Eskaintza publikoan deitutako lanpostu guztien % 3 baino gehiago al dira 2005eko ekitaldian % 33 edo gehiagoko ezgaitasuna duten pertsona kontratatatuak? Deitutako lanpostu guztien

ehuneko zenbat dira % 33 edo gehiagoko ezgaitasuna dutenak?

Aurreko atalean aipatu dugunez, ezin da datu hori eman 2005eko lan eskaintza publikoa oraindik izapidetzen ari delako.

• 3.- Baldin eta 2005ean zehar pertsona horiek betetzen dituzten lanpostuak ez badira iritsi deitutako lanpostu guztien % 3 izatera, 2006rako enplegu publikoaren deialdietan zenbat lanpostu erre-serbatzea aurreikusitako du Nafarroako Gobernuak?

Aurreikuspena ezarrita dago Nafarroako administrazio publikoen zerbitzuko langileriaren Estatu-tuaren testu bateratua onetsi zuen abuztuaren 30eko 251/1993 Legegintzako Foru Dekretuaren zazpigarren xedapen gehigarrian; zehazki, Foru Komunitatean ezgaitasuna duten pertsonen enplegua lortzeari buruzko maiatzaren 31ko 16/2002 Foru Legearen 1. artikuluan emandako testuan (2002ko ekainaren 7ko 69. Nafarroako Aldizkari Ofiziala):

“Zazpigarrena. 1. Nafarroako administrazio publikoetako lan eskaintza publikoetan, gutxienez lanpostu betegabeen % 5 ezgaituentzako gordeko da, baldin eta horien ezintasun maila % 33koa edo handiagokoa izan, hauta-probak gainditu eta, hala eskatzen zaienean, aipatutako ezintasun maila eta eginkizunak burutzeko gai direla egiaztatzen badute.

Pertsona horiek betetako lanpostuek ez badute deitutako lanpostuen ehuneko 3ko tasa egiten, bete gabeko lanpostuak hurrengo ekitaldiko ehuneko 5eko kupoari gehituko zaizkio, ehuneko 10eko gehieneko mugarekin.

2. Aurreko atalean finkaturiko minusbaliotasun-maila izan eta deialdi batean beste txandetako edozeinen bitartez lanpostu bat lortzen dutenek lehentasuna izanen dute txanda librekoen gainetik bete beharreko lanpostua aukeratzeko.

3. Foru Komunitateko administrazioan eta haren menpeko erakunde autonomoetan 1. idatz-zatiko lehen lerroaldean ezarritako ehuneko betetzen ez den bitartean, organo eskudunek aitortutako ezgaitasuna duten pertsonen lehentasuna izanen dute aldi baterako kontratatzeko, lehiaketa-oposizioa gainditu baina lanposturik gabe gelditu direnen zerrenda agortutakoan.

ⁱ 2005. urtekoarekin batera egun tramitatzen ari dena.

ⁱⁱ Eskaintza irakasle postuetarako zen.

ⁱⁱⁱ Maisu-maistren kidegoko 564 lanpostu betetzeko lehiaketa-oposizioa izan ezik. Hautaketa prozesu horretan ezgaituentzako gordetako 28 lanpostuetatik 4 bete dira.

• 4.- % 33 edo gehiagoko ezgaitasuna duten zenbat pertsona kontratatu dituzte aldi baterako Nafarroako Gobernuak eta haren erakunde autonomoek 2005ean, Nafarroako administrazio publikoen zerbitzuko langileen Estatutuaren zazpigarren xedapen gehigarriko hirugarren idatz-zatia aplikatuta?

Lehen aipatu dugun galderari emandako erantzunean, 2003ko urrian bidalitakoan, adierazi genuenez, , gaiari buruzko informazio zuzena izan ahal izateko, ezgaitasunen bat duen pertsonak horren berri eman behar duela aldi baterako kontratazioak egiteko zerrenden hautaprobara aurkezten denean. Hori egin ezean, administrazioak ez du haren egoeraren berri izateko beste modurik. Esan bezala, baliteke administrazioak ezgaitasuna duten pertsonak kontratatu izana aldi baterako, kasuko hautaprobak gainditu badituzte, eta horiak ezgaitasuna dutela alegatu ez izana.

Halaber, kontuan izan behar da neurri hau aldi baterako kontratuetan aplikatzeko honako baldintza hauek daudela:

a) Lanpostu bat aldi baterako bete behar denean, hura betetzeko baldintzak betetzen dituzten beheko mailako langile finkoek dute lehentasuna (apirilaren 14ko 96/1997 Foru Dekretuko 2. artikulua); hori dela eta, hartara nahikoa beharizan betetzen dira aldi baterako kontratazioa jo gabe.

b) Aurreko prozesuaren ondotik, aldi baterako kontratuak egiteko lehentasuna izanen dute funtzio publikoan sartzeko hautaprobak gainditu eta lanposturik gabe geratu direnak, maiatzaren 31ko 16/2002 Foru Legean jasotakoaren arabera. Kolektibo honekin, aldi baterako kontratazioaren zati handi bat betetzen da; Foru Komunitateko Administrazioaren arloren batean % 70ra iristen da.

c) Indarrean dagoen araudiak agintzen duenez, administrazio publiko batean aldi baterako kontratu bat lortu nahi duten langile ezgaituek kasuan kasuko hautaprobak gainditzeaz gainera, daukaten ezgaitasuna lanpostu horretan aritzearekin bateragarria dela frogatu beharko dute. Bi baldintza horiek batuta, esan daiteke, lehentasuna izanda ere, gutxi direla administrazioan enplegua eskatzen dutenak.

d) Langile ezgaituak aldi baterako kontratatze-ko lehentasuna ezartzen duen Nafarroako administrazio publikoaren zerbitzuko langileen Estatutuko zazpigarren xedapen gehigarriaren 3. idatz-zatiari jarraikiz, lehentasunak ezartzerakoan 1. idatz-zatian esandakoari lotu behar zaio, eta hartan enplegu publikoaren eskaintzetan lanpostu hutsen ehuneko 5eko erreserba jasotzen da. Ondorioz,

enplegu publikoaren eskaintzan jasotzen diren lanpostu guztietarako ezarritako erreserba egin den lanpostuetan aplikatu behar da lehentasun hori, eta lehentasunak eragina izanen du harik eta lanpostua langile finkoekin betetzen den arte.

Halaber, aldi baterako kontratuak izanik, kontuan izan behar da informazioa egun batetik bestera aldatzen dela.

Gaur egun, Administrazio Erroan (Osasunbidea-Nafarroako Osasun Zerbitzuan izan ezik) Nafarroako administrazio publikoaren zerbitzuko langileen estatutuaren zazpigarren xedapen gehigarriaren 3. puntuan ezarritakoaren babesean, aldi baterako kontratua duten 17 langile ari dira lanean.

2005ean, Osasunbidea-Nafarroako Osasun Zerbitzuan, % 33 edo gehiagoko ezgaitasuna duten 64 langileri aldi baterako kontratua egin zaie.

Hori jakinarazten dizut Legebiltzarreko Erregelamenduaren 184. artikuluan eta hurrengoetan xedatutakoa betetzeko.

Iruñean, 2006ko martxoaren 23an.

Lehendakaritza, Justizia eta Barne kontseilaria:
Javier Caballero Martínez

Osasun kontseilariaren erantzuna

Askotariko parlamentu-taldeari atxikitako José Luis Etxegarai Andueza jaunak galdera egin du ezgaitasunak dituzten pertsonak kontratatzeari buruz. Hona Osasun kontseilariaren erantzuna:

Osasunbidea-Nafarroako Osasun Zerbitzuko lantokietan dauden datuetan agertzen denaren arabera, 2005eko abenduaren 31n, plantillan dauden 4.971 eguneko langile finkoetatik 21ek % 33 edo gehiagoko ezgaitasuna dute. Hala ere, kontuan izan behar da ezgaitasuna duten langile batzuk Osasunbidea-Nafarroako Osasun Zerbitzura txanda arruntetik sartu ahal izan direla, eta ondorioz, langile horien minusbalioetasun maila ez dela beren erregistroetan agertzen.

Osasunbidea-Nafarroako Osasun Zerbitzurako azken lan eskaintza publikoan (martxoaren 7ko 58/2005 Foru Dekretua) 544 lanpostu atera dira, eta 2005ean, % 33 edo gehiagoko ezgaitasuna duten 64 langile kontratatu dira.

Funtzio Publikoaren zuzendari nagusiak apirilaren 4an emandako 754/2005 Ebazpenaren bidez, ezgaitasuna duten pertsonen txandarako gorde behar diren lanpostuak zehaztu ziren; horren arabera, mota horretako honako lanpostuak dagozkio Osasunbidea-Nafarroako Osasun Zerbitzuari:

- OLTko mediku bat
- 5 OLT-EDU
- Fisioterapeuta bat
- Laborategiko teknikari espezialista bat
- Erradiodiagnostikoko teknikari espezialista bat
- Erizaintzako 3 laguntzaile
- 4 zeladore

Gaur den egunean, lanpostu horiei dagozkien deialdiak tramitatzen ari dira.

Erakunde autonomoak, 2005ean, % 33 edo gehiagoko ezgaitasuna duten 64 langile kontratatu ditu.

Hori jakinarazten dizut Nafarroako Parlamentuko Erregelamenduaren 184. artikuluan eta hurrengoetan xedatutakoa betetzeko.

Iruñean, 2006ko martxoaren 23an

Osasun kontseilaria: María Kutz Peironcely

Hezkuntza kontseilariaren erantzuna

Askotariko parlamentuko-taldeko foru parlamentari José Luis Etxegarai Andueza jaunak gal-

dera egin du Nafarroako Gobernuaren zerbitzuko langile guztietan % 33 edo gehiagoko ezgaitasuna duten pertsonen buruz. Hona hemen Hezkuntza kontseilariaren erantzuna.

Hezkuntza Departamentuko Giza Baliabideen Zerbitzuak ez du daturik jakiteko departamentuko langile guztiena artean –funtzionarioak eta aldi baterako lan kontratadunak– zenbat diren % 33 edo gehiagoko ezgaitasuna duten pertsonak.

Maisu-maistren kidegoan sartzeko 2005eko deialdian, eskainitako 564 lanpostuetatik, 28 elbarrituentzako txandakoak ziren, lanpostu guztietatik % 4,96 alegia. Elbarrituentzako txandako lau izangaik gainditu zuten hautapen prozesua, eta ondorioz, praktiketako funtzionario izendatu zituzten; guztietatik % 0,70 alegia.

2006an, ez dago aurreikusita irakaskuntzako kidegoetan sartzeko inolako deialdirik tramitatzea.

Hori jakinarazten dizut Legebiltzarreko Erregelamenduaren 184. artikuluan eta hurrengoetan xedatutakoa betetzeko.

Iruñean, 2006ko martxoaren 24an

Hezkuntza kontseilaria: Luis Campoy Zueco

Galdera, Nafarroa Fitur 2006 turismo azokara joateari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artikuluan ezarritakoa betez, foru parlamentari Maiorga Ramirez Erro jaunak Nafarroa Fitur 2006 turismo azokara joateari buruz egindako galderaren erantzuna, Foru Diputazioak emana, Nafarroako Parlamentuko Aldizkari Ofizialean argitara dadin agindu dut. Galdera 2006ko martxoaren 6ko 19. Nafarroako Parlamentuko Aldizkari Ofizialean argitaratu zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Eusko Alkartasuna parlamentu-taldeak galdera egin du FITUR 2006 turismo azokarekin zerikusia duten zenbait gairi buruz. Hona Vianako Printzea Erakundea-Kultura eta Turismo Departamentuko kontseilariaren erantzuna:

Lehena: Nola baloratzen du departamentuak Nafarroak Madrilen izaniko presentzia eta sustapenari begira eginiko agerpena?

Kultura eta Turismo Departamentuak Nafarroak Madrileko Nazioarteko Turismo Azokan izan duen presentziari buruz egin duen balorazioa positiboa da, ondoko arrazoi hauengatik:

- Sektorearekin koordinazioa

Kultura eta Turismo Departamentuak aurretiazko bilera bat egin zuen sektorearekin, Nafarroak FITURren izan beharreko presentziari buruzko planteamendu berria jakinarazteko. Planteamendu horren barruan honakoa zegoen: irudi berria sartzeari, Nafarroako eskaintza produktuen bidez aurkeztea, Nafarroa helmuga turistiko bateratu eta koherente gisa aurkeztea, eta ekitaldi agenda prestatzea; ekitaldi horietan, interesa duen edozein entitatek, elkartek edo enpresak aurkez ditzakete produktu turistikoak, elkarteak, toki turistikoak, programak, proiektuak, eta abar.

Hortaz, sektoreko eragile guztiei (turismo-partzuergoak, entitateak, enpresaburuak, elkarteak, eta abar) aukera eman zitzaion bai produktuen erakusmahaietan egoteko, bai azoka zela-eta antolatuta beharreko aurkezpen programan parte hartzeko.

Sektoreak planteamendu berri horri sostengua eman zion, eta batzuek azokan modu aktiboan parte hartzeko erabakia hartu zuten, erakusmahaietan edo aurkezpenetan.

- Nafarroako Gobernuak beste departamentu batzuen parte hartzea

Lehenbiziko aldiz, Nekazaritza eta Ingurumen departamentuei gonbita egin zitzaion gastronomiari eta naturaguneei buruzko eskaintza, hurrenez hurren, aurkez zezaten. Bi kasuetan erantzuna baiezkua izan zen. Halaber, 2006ko Frantzisko Xabierkoaren jaiotzaren V. mendeurrenaren Batzordea ere gonbidatu genuen, eta horrek ekitaldien sustapenean parte hartu zuen.

- Agenda osatuagoa

Ohiko ekitaldiez gain, aurten, gobernuak berak eta hala nahi izan zuten sektoreko entitateek aurkezpenak egin zituzten. Zehazki, Lizarraldeko Turismo Partzuergoak informatzaile turistikoak biltzarra aurkeztu zuen, eta Nafarroako Ostalaritza Elkarteak "Nobles del Reyno" elkarte eta bere gastronomiari buruzko web orria –www.navarra-gastronomia.com– aurkeztu zituen.

- Komunikabide eta bidaiaria-antolatzaile gehiago izatea bertan

FITUR izan baino lehen, bi prentsaurreko egin ziren (bata Madrilen eta bestea Iruñean); horien bidez, Nafarroako eskaintzari buruzko informazioa eman zen, eta komunikabideei eta bidaiaria-antolatzaileei Nafarroako erakustokian egin beharreko ekitaldietara joateko gonbita luzatu zitzaion. Halaber, informazio-oharrak bidali ziren. Hori dela eta, kazetari eta turismo arloko bitartekari gehiago joan zen, eta horrek, bere aldetik, komunikabide gehiago etortzea, harreman profesional gehiago egitea, eta, oro har, jende gehiago etortzea ekarri zuen.

- Turismo irudi berria eta produktuen planteamendu berria

Erakustokia turismo-marka berriarekin apaindu zen eta eskuorri berriak aurkeztu ziren. Irudia askoz erakargarriagoa eta modernoagoa da, eta horrek aldaketa positibo nabarmena ekarri zuen.

Marketin planaren ondorioa den produktuen planteamendu berria, neurri handi batean, erakustokian aurkeztu ahal izan zen. Sektoreak emandako laguntza funtsezkoa izan zen arreta emateko, eta produktuak horrela banatu ziren erakusmahaietan:

- Erakundearen erakusmahai orokorra.
- "Nafarroa 06. Zure hitzordu kulturala" erakusmahai.

- Produktu izarren erakusmahaia: “sanferminak, Santiago bidea eta Pirinioak” .
- “Gauza goxoen Erresuma” erakusmahaia.
- “Nafarroa naturala da” erakusmahaia
- “Landa turismoa” erakusmahaia
- “ Kongresuak eta pizgarriak” erakusmahaia
- “Hotelak, kanpinak eta apartamentuak” erakusmahaia
- “Bidaia antolatuetak” erakusmahaia

• Pintxoak eta Nafarroako produktuak dastatzea.

Lehenengo aldiz, eta Nafarroako Nekazaritzako Elikagaien Kalitatearen Institutuaren laguntzari esker, Nafarroako produktuekin egindako pintxoak dastatu ahal izan ziren. Halaber, Nafarroako nekazaritzako elikagaien ekoizle asko izan ziren beren produktuak eskaini zituztenak erakustokian dasta zitezten: ICAN (Nafarroako Nekazaritzako Elikagaien Kalitatearen Institutua), Mitxel Etxenike, Embutidos Arbizu, Bombones Torres, Pastas Urrutia, Bodegas Julián Chivite, Bodegas Ochoa, Bodegas Principe de Viana, Bodegas de Sada, Bodegas Señorío de Otazu, Bodegas Virgen Blanca, Vinícola Navarra eta Nafarroako Patxaranaren berariazko izendapena.

Bigarrena. Zenbat hartu-eman izan dira sektoreko profesionalekin eta zein dira aurreko urtean aldean antzeman diren ezberdintasunak?

Sektoreko profesionalekin izandako harremanak (kazetariak, bidaia-antolatzaileak eta bidaia-agentziak) aurreko urteetan baino ugariagoak izan ziren. Aldez aurretik egindako deialdiari esker, profesional gehiago etorri ziren, eta ondorioz, harremanen kopurua ere igo zen. Sektoreko elkarteek eta eragileek egindakoarekin pozik gelditu direla adierazi zioten Kultura eta Turismo Departamentuari.

Hirugarrena. Zein parte-hartze izan zuten profesionalen partzuergoek eta elkarteek?

FITUR 2006 prestatzeko, Nafarroako turismo arloko partzuergo eta elkarte guztiak deitu genituen eta horri buruzko informazioa eman genien. Erakusmahaiak produktuka banatzearena elkarten laguntzarekin egin zen; halaber, nahi zituzten aurkezpenak egiteko erakustokia erabiltzeko aukera eman zitzaion.

Beraz, sektoreak emandako laguntza eta izandako parte hartzea funtsezkoak izan ziren azoka arrakastatsua izan zedin.

Hona hemen sektoreak erakusmahaietan izan duen parte hartzea:

– Erakundeek erakusmahai orokorra, Nafarroako Gobernuaren ardurapekoa. Lehenengo lerroan zegoen eta bertan lau lagunek ematen zuten arreta. Kultura eta Turismo Departamentuak argitaratutako turismo argitalpenak banatu zituzten eta produktu turistikoari buruzko informazioa eman zuten.

– “Nafarroa 06. Zure hitzordu kulturala”: bertan 2006. urtean egin beharreko egitarau kultural zabalarri buruzko informazioa eman zen, batez ere, Frantzisko Xabierkoaren jaiotzaren V. mendeurrenari zegokiona. Erakusmahai honetan, programatutako ekitaldien ardura duten entitateen langileek eman zuten arreta eta ekitaldiei buruzko argitalpenak eskaini zituzten.

– Produktu izarren erakusmahaia: “Sanferminak, Santiago bidea eta Pirinioak” , Kultura eta Turismo Departamentuaren eta Iruñeko Udalaren ardurapekoa.

– “Gauza goxoen Erresuma”, Nafarroako Nekazaritzako Elikagaien Kalitatearen Institutuaren ardurapekoa.

– “Nafarroa naturala da” erakusmahaia, ondoko ardurapekoa: Ingurumen Departamentua, BIDEAK enpresen elkarte, Oibarko energia berriztagarrien ikasgela eta Bardenasreales.com enpresa.

– “Landa turismoa” erakusmahaia, ondoko ardurapekoa: Nafarroako landa etxeen Federazioa, nekazaritza turismoko Abelore elkarte eta Orreaga landa etxeen elkarte.

– “Kongresuak eta pizgarriak” erakusmahaia, Pamplona Convention Burearen ardurapekoa.

– “Hotelak, kanpinak eta apartamentuak” erakusmahaia, AEHNren ardurapekoa.

– “Bidaia antolatuetak” erakusmahaia: CR Listen, Anavi eta Viajes Leyre enpresen ardurapean.

Laugarrena. Zenbatekoa izan da Fitur 2006 azokan eginiko gastua? Kontzeptuen eta zerbitzuak eman dituzten enpresen azalpen xehatua, gastuak zein kontusailaren kargura egin diren zehaztuta.

Gastuaren kontzeptua.	Zenbatekoa	Enpresa
Lurzorua alokatzea	42.477	IFEMA (feria-esparrua)
Erakustokia muntatzea	89.950	Zunzarren
Catering FITUR (zerbitzariak)	3.290	Areas
FITUR animazioa	14.000	In&Out
Guztira	149.717	

Gastu horiek guztiak Kultura eta Turismo Departamentuaren 2006ko aurrekontuko "Ferieta-
ra joatea" izeneko kontusailaren kargura ordaindu
dira.

Hori jakinarazten dizut Nafarroako Parlametu-
ko Erregelamenduaren 184. artikuluan eta hurren-

goetan xedatutakoa betetzeko.

Iruñean, 2006ko martxoaren 23an

Vianako Printzea Erakundea-Kultura eta Turis-
mo Departamentuko kontseilaria: Juan Ramón
Corpas Mauleón

Galdera, II. Errepublikaren 75. urteurrena dela-eta Legebiltzarrak onetsi- tako erabakia betetzeari buruzkoa.

FORU DIPUTAZIOAREN ERANTZUNA

Legebiltzarreko Erregelamenduko 112.1 artiku-
luan ezarritakoa betez, foru parlamentari Miguel
José Izu Belloso jaunak II. Errepublikaren 75.
urteurrena dela-eta Legebiltzarrak onetsitako era-
bakia betetzeari buruz egindako galderaren eran-
tzuna, Foru Diputazioak emana, Nafarroako Parla-
mentuko Aldizkari Ofizialean argitara dadin agindu
dut. Galdera 2006ko martxoaren 6ko 19. Nafarroa-
ko Parlamentuko Aldizkari Ofizialean argitaratu
zen.

Iruñean, 2006ko martxoaren 28an

Lehendakaria: Rafael Gurrea Induráin

ERANTZUNA

Izquierda Unida de Navarra-Nafarroako Ezker
Batua parlamentu-taldeari atxikitako foru parla-
mentari Miguel José Izu Belloso jaunak galdera
egin du Nafarroako Parlamentuak II. Errepublika-

ren 75. urteurrena ospatzeko hartutako erabakia
betetzeari buruz. Hona Lehendakaritza, Justizia
eta Barne kontseilariaren erantzuna:

2005eko foru erkidegoaren egoerari buruzko
eztabaida zela eta, Nafarroako Parlamentuak
Nafarroako Gobernua premiatu zuen 2006. urtean
zehar Espainiako II. Errepublikaren 75. urteurrena
ospatzeko ekintzak antola zitzaizkion. Gaur arte, gai
horren inguruan, Nafarroako Gobernuak ez du
inolako erabakirik hartu edo programarik onetsi
hori betetze aldera.

Hori jakinarazten dizut Nafarroako Parlametu-
ko Erregelamenduaren 184. artikuluan eta hurren-
goetan xedatutakoa betetzeko.

Iruñean, 2006ko martxoaren 23an

Lehendakaritza, Justizia eta Barne kontseila-
ria: Javier Caballero Martínez